



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

33

9573

2001

ՀՈՂԻ ԱՐԴԻԻՆԱԲԵՐՈՒԹԻՒՆԸ

ԵՒ

ՀԵՍԱՐԵԿՈՒԹԻՒՆԸ

ՆԻԿՈՐԳ ԴԱՍԱԲՈՍՈՒԹԻՒՆ

ԴՐ. ԱԻԵՏԻՔ ԱՐԱՍԽԱՆԵԱՆՑԻ:



ԹԻՓԼԻՑ

ՅՈՎ. ՀԱՆՆԵՍՈ ՄԱՐՏԻՐՈՍԵԱՆՑԻ ՏՊԱԸՆԸ

ՕՐՔԵԼԵՆՆ ՓՈՂՈՑ, 5

1884

2010

333. 301

Ա - 83

7930

333, 301

Ա - 83

աջ

ՆԿԱՏՈՂՈՒԹԻՒՆ

Այս երկրորդ տետրը աւելի ուշ է լոյս տեսնում, քան մենք ինքներս սպասում էինք: Թող այս Հրատարակութիւնների բաժանորդները ներեն մեզ այդ, ցանկութիւնը չէր, որ պակասում էր մեզ, այլ Հանգամանքները թոյլ չտուին դորձը արագացնելու: Այնուամենայնիւ մենք պիտի ջանանք մնացեալ Հինգ տետրերը աւելի սուղ ժամանակամիջոցներում Հրատարակել, որպէս զի մինչ տարի և կէս բոլորը արդէն Հրատարակած վերջացած լինի:

1607  
31141

Գալով սոյն գրքուկի նւթին, նկատենք, որ նորա մէջ չէ մտնում մեր կարգացած դասախօսութեան ամբողջութիւնը. բայց դորա փոխարէն Ֆիզիօկրատների դօքտրինը և մանաւանդ Քիկարդօի բենտի թէօրէն շատ աւելի մեծ ընդարձակութիւն են գտած այստեղ, որպէս նաև «Հողի արդիւնաբերութեան նուազման օրէնք» կոչուած տնտեսական երևույթը: Այդպէս վարուելու մեզ ստիպեց այն կարևորութիւնը, որ ունեն այս երկու վերջին երևույթները տնտեսագիտութեան մէջ: Սակայն մեր ջանքը եղած է միայն նոցա հետ ընթերցողներին ծանօթացնել, բայց ոչ քննել նաև այն բոլոր Հարցերը, որոնց մէջ այստեղ մեկնուող երևույթները վեր են խաղում. եթէ այս վերջինը ևս կատարէինք, մեզ Հարկաւոր կ'լինէին ամբողջ Հատորներ:



Дозволенд цензурою. Тифлисъ. 15 Февраля 1883 г.  
Типографія И. Мартиросіанца, Орбеліан. ул., д. № 5

Ի վերջոյ թող մեզ ներեն, եթէ այս աշխատութեան մենք մի վերտառութիւն ենք տուած, որը թերևս աւելի մեծ հաւակնութիւն ենթադրել տայ, քան մենք ունենք իսկապէս նորա նկատմամբ: Նիւթը ամփոփող աւելի աջող վերնագիր մենք զժուարացանք գտնել:

ԼԵՂԻՆԱԿ

Թե՛՛նեղ, 10 ապր. 1884:

Տիկիներ և Պարոններ.

Ամեն բան, ինչ այսպէս կամ այնպէս ազդեցութիւն կարող է ունենալ թէ հասարակաց աշխատանքի, դորանով ուրեմն և հասարակութեան կազմակերպութեան վերայ, քաղաքատնտեսական հետազոտութեան աւարկայ է և պէտք է լինի: Առաջի գասախօսութիւնից Գուք արդէն տեսաք, թէ ազգաբնակութիւնը ինչ կողմերից է ուսումնասիրուած. այն երևոյթները, որ մենք այդ առիթով ուսումնասիրեցինք, ամեն քաղաքատնտես պէտք է գիտենայ. դոքա տարրական գիտելիքներ են և որպէս այդպիսիք, նոցա գիտենալը անհրաժեշտ է ամեն մի լուստօրեալ մարդուն և ոչ միայն քաղաքատնտեսին:

Քացց ինչպէս է պատահում, որ հողը և հողագործութիւնը հասարակաց երևոյթներ քննող մի գիտութեան աւարկայ է: Մենք շատ լաւ հասկանում ենք, որ հողը գէօլոգիայի, երկրաբանութեան աւարկայ է, որովհետև երկրաբանութիւնը քննում է հողի և նորա տեսակների կազմուելը. մենք շատ լաւ ենք հասկանում նմանապէս, որ հողը կամ հողագործութիւնը մի այլ մասնագիտութեան աւարկայ է, որը ուսումնասիրում է թէ հողի ֆիզիկան և թէ այն, թէ ինչպէս պէտք է մշակել և վարուել առհասարակ, որպէս զի ցորենը, դարին, հաճարը կամ մի այլ բոյս աւելի լաւ բուսնէ, որ հողը կարելիին չափ շատ արգիւնք տայ. այդ մասնագիտութիւնը—այսպէս անուանուած գիւղատնտեսութիւնն է: Քացց էլի կրկին՝ ինչ գործունէ հողը կամ հողագործութիւնը հասարակաց քաղաքականութեան հետ, քանի որ քաղաքատնտեսութիւնը մարդ-

կային հասարակութեան ներքին կեանքի յառաջադիմու-  
թեան ընթացքն է հետազոտում, ուրեմն նա այդ կեանքի  
քաղաքականութիւնն է որոշում:

Մեր պատասխանը այդ հարցին կարող է և շատ  
կարճ լինել. քաղաքատնտեսութիւնը չէ քննում իրերը,  
այլ միայն իրերի մէջ եղած յարաբերութիւնները. նա չէ  
քննում հողը, որպէս մի քաղաքութիւն, այլ միայն իբրև  
հարստութեան մի ֆակտոր, մի պայման, մի ֆակտոր որը  
միայն այլ ֆակտորների հետ միասին կարող է հարստու-  
թիւն առաջացնել, այն է աշխատանքի և կապիտալի հետ:  
Քաղաքատնտեսութիւնը քննում է ուրեմն հողը յարա-  
բերութեամբ աշխատանքի և կապիտալի հետ: Այդ տե-  
սակ ուսումնասիրութեամբ նորան յաջողել է մինչև այժմ  
գտնել արդէն մի քանի երևույթներ, որոնց կարևորութիւնը  
հասարակաց և տերունական կեանքի համար միանգամայն  
հիմնական, ֆունտամենտալ կարելի է անուանել: Այդ  
երևույթներից մի քանիսի ուսումնասիրութիւնը, տիկիւններ  
և պարոններ, մեր այսօրուայ դասախօսութեան առարկան  
պիտի կազմեն:

Երբ հողը սկսեց տնտեսական հետազոտութիւնների  
առարկայ դառնալ, նոյն իսկ այդ հետազոտութիւններովն  
էր, որ քաղաքատնտեսական գիտութիւնը հիմնուեց: Այդ  
18-երորդ դարումն էր և ֆրանսիացիների գործը:

Նկատելու արժանի հանգամանք: Տնտեսական գի-  
տութեան հիմնադրութիւնը ծնուեց բողոքից, որովհետև  
այն հրապարակախօսները և գիտնականները, որոնք իրենց  
աշխատանքներով քաղաքատնտեսութեան հիմքը գրին,  
սկզբում մտադրութիւն չունէին պաղ և սառը կերպով  
գիտնական ճշմարտութիւններ որոնել, գիտութիւն հիմ-  
նել: Այ, նոցա առաջի և ամենամեծ ջանքն այն էր, բողո-

քել ֆրանսիական կառավարութիւններից տուած և այն  
ժամանակ իշխող օրէնքների և վարչական ու տնտեսա-  
կան մի քանի կարգադրութիւնների դէմ, կարգադրու-  
թիւններ և օրէնքներ, որոնք, նոցա կարծիքով, սարսա-  
փելի կերպով հարուածել էին ֆրանսիական գիւղական  
դասի և երկրագործութեան շահերին:

Այդ նոր հրապարակախօսները, որոնց մասին ես այժմ  
խօսում եմ, յայտնի են ընդհանրապէս ֆիզիօկրատների  
անուանով, որ նոյնն է, թէ ասել հայերէն՝ հողականներ  
կամ երկրականներ: Նոքա այդպէս են կոչուած այն պատ-  
ճառով, որ, ինչպէս դուք շուտով կ'տեսնէք, նոքա պն-  
դում էին, որ միայն հողի մէջն է երկիրներ հարստացնող  
ոյժը, միայն հողն է, որը դուտ արդիւնք է տալիս: Զուտ  
արդիւնք, որովհետև այն, ինչ ծախուածից աւելի չէ ար-  
տադրում, միթէ կարող է նոր հարստութիւն գոյացնել:

Ասելով 18-երորդ դար, պատկերացրէք Ձեր աչքի  
առաջ այն ժամանակուայ ֆրանսիան, ուր կատարվում էր  
մտաւոր շարժման այն մեծ պրօցեսսը, որի կրողներն էին  
Գ'Ալամբեր, Վիդրօ և այլ թէ խորը և թէ փալլուն մտա-  
ծողներ, որոնք այսպէս տնուանած էնցիկլօպեդիստների  
խումբն էին կազմում. այդ ժամանակումն էր, երբ Ալ-  
տերը տիրապէս իշխում էր ժամանակուայ հասարակաց  
կարծիքը նաև ֆրանսիաի սահմաններից շատ շատ հե-  
ռու երկիրներում. Մօնտեսքիէօ հրատարակում էր իւր  
հռչակաւոր գործը «Օրէնքների ոգին», իսկ Ռուսօի մէջ  
ղեւ դադարած չէր այն մաքուր սրտի խուովութիւնը, որից  
պիտի դուրս շնչէին նորա «Էմիլը» և յետագայ դեմօկրա-  
տիական բոլոր շարժումների պատգամագիրը՝ «Հասարակաց  
Պաշնագրութիւնը»:

Այդ 18-դարուայ միջերբումն էր, որ մտածողների

մի խումբ իւր ուշադրութիւնը դարձրած էր զէպի մի այլ, ընդհանրութիւնից զեռ քիչ նշմարած տեսարան, այն տեսարանը, որը ներկայացնում էր բնական հարստութիւնների համար բոլորից զմայլուած Ֆրանսիական հողի զարմանալի վատ մշակութիւնը: Բնութեան հեղեղութիւն էր արդեօք, թէ ինչ, բայց անչեքեքի է որ Ֆրանսիային սորա մեծ մտածող մարդկանց աշխարհք իշխող գրուածների միջոցով ճանաչողը երևակայել անգամ չէր կարող: Թէ ինչ թշուառ գրութեան մէջ էր այդ երկրի զիւղացին և աւելի թշուառ քան զիւղացին՝ սորա արհեստը, հողի մշակութիւնը, երկրագործութիւնը: Ֆրանսիացիներին աչքը դորա վերայ բացելու համար հարկաւոր եղաւ, որ 1789 թուի մեծ լեղափոխութեան մտայնութիւն մի հռչակաւոր անգլիական զիւղատնտես Արթուր Իւնգ, իւր անձնական հետաքրքրութեան համար զար Ֆրանսիա, ճանապարհորդէր բոլոր գաւառներում և հրատարակէր իւր տպաւորութիւնները: Բայց այդ գրքով մի իսկական հարուած էր, որ մի անգլիացի տուեց Ֆրանսիական ինքնասիրութեան: Ինչ ասել կ'ուզէ, որ Արթուր Իւնգի գրուածքը մնաց իւր հրատարակուելու օրից մի հռչակաւոր գիրք և մնում է նա ցայսօր, որպէս մի սլաւմական թանկագին լիշատակ: Երկրագործութեան նոյն այդ թշուառ գրութիւնն էր, որը առաջ բերեց Ֆրանսիական Ֆիզիոկրատներին, երկրականներին. գրողների մի ամբողջ շարք, որի առաջի օղակները բացեցին մի իւր ժամանակին արժանիին չափ չգնահատուած գրող՝ Բուազիլլըբեր և դորա հետ գրեթէ միասին Ֆրանսիայի մի մեծ և նշանաւոր մարդ, մարշալ Աօբան, որոնք երկուսն ևս հրատարակեցին իրենց գրուածները 18. դարու այ սկիզբներում: Սակայն այդ երկու գրողները չկարողացան իրենց դիտողութիւնները մէջ հասնել զիտնական ճշտութեան բարձրութեան. նոքա մը-

նացին միայն գրողներ առանց այն ազդեցութեան, որը կարողանար մի գիտնական շլօլա, մի դպրոց հաստատելու: Դպրոց հիմնելը վերապահած էր մի այլ գրողի, մի ուժեղ տաղանդի, այն է Քենէին: Այդ Քենէն էր, որը հանդիսանում է Ֆիզիոկրատական դպրոցի գլուխը, ուր հռչակուեցին, Քենէից զատ, տնտեսագետներ, որպէս Մերսիէ դը լա Րիվիէր, Հայր Սօրելլէ, Հայր Բուրդօ և այլք, բայց մանաւանդ Տիւրգօն, որի գրական և զիտնական տաղանդի համար միակ նորա հոգու և սրտի ազնուութեան մէջ կարելի է մի ճիշտ համեմատութիւն գտնել:

Այսինք ուղղակի Քենէի դօկտրինից և ծանօթանալք նորա վարդապետութեան հիմնական գաղափարի հետ: Ամենքին լայտնի է, որ հարստութիւնը, այսինքն այն, ինչ կարող է ծառայել մարդու պիտոյքներին բաւակալութիւն տալու, միայն արտադրութեամբ կարելի է լուտեղծել: Որոնք են մի երկրի հարստութիւնները? Այն ոչ-ժերը, որոնք զետնի մէջ են և որոնք կեանք են տալիս այն բոլոր բուսեղեններին, որ մենք գործ ենք անում մեզ անունը տալու համար. լետոյ այն բոլորը, որպէս գործարաններ, մեքենաներ, գործիքներ և այլն, որոնց միջոցով մենք պատրաստում ենք շորեղէններ մեզ համար և այլն և այլն. բայց և հացը և բամբակը և բուրդը և շորեղենները և վառելիքը և այլն պէտք է նախ արտադրել, որպէս զի նոքա իսկական հարստութիւններ կարողանան համարուել: Բայց հարստութիւն արտադրելու համար հարկաւոր է արդէն ունեցած հարստութիւնից մտնել. նշանակում է, թէ մի երկրի համար իսկական հարստութիւնը այն է, ինչ որ կարողանում է ծածկել միտիւր և մի բան էլ աւելցնել: Եթէ մի փութ ցորեն ցաննեմ, ուրեմն փչացնեմ և միայն մի փութ հնձեմ և զեռ այդ մի փութը



ստանալու համար ես գործիքներ փչացնեմ, որոնք նույն-  
պէս երկրի հարստութիւններ են, այդ դեռ չէ նշանակում,  
թէ երկիրը մի փութ ցորենով հարստացաւ: Երկիրը կ'հա-  
րստանայ մի բանով, եթէ այն մի փութ ցանած ցորենի  
տեղ ես ստանամ այնքան ցորեն, որ նորա արժէքը աւելի  
լինի, քան այն բոլորը, ինչ որ մտնուած, փչացրած է թէ  
ցորենով և թէ գործիքներով և այլն: Այդ հասկանալի է.  
միայն թէ, տիկիւններ և Պարոններ, ես Ձեզ պէտք է մի  
բանից զուշացնեմ. այն է, որ «բժէ» բառը չշփոթէք  
զին բառի հետ. մի փութ ցորենի բուն արժէքը—նորա  
այն ոչոն է, որով ցորենը կամ հացը կարողանում է մար-  
դուս քաղցը հագեցնել. ուրեմն ցորենի գինը լինի 1 լուբլի  
թէ 10 լուբլի, նորա արժէքը դորանով չէ փոխվում: Եթէ  
մի երկիր սովորապէս տասը միլիոն փութ ցորեն էր ար-  
տադրում տասը միլիոն լուբլու արժողութեամբ, մի այլ  
տարի, անառատութեան պատճառով, կարող է այդ երկիրը  
ուեննալ միայն հինգ միլիոն փութ ցորեն, բայց այդ ցո-  
րենը կարող է ծախուել քսան միլիոն լուբլիով նույն իսկ  
երկրացիներին վերայ: Երկիրը, որպէս տեսնում էք, նորա-  
նով հենց չէ հարստանում, որ գները բարձրանում են:

Ուրեմն այստեղ խօսքը բուն արժէքների վրայ է և ոչ  
գների վրայ: Արդ, Քենէն պնդում է, որ նոր արժէքներ  
ստեղծել կարող է միայն հողը, հողագործութիւնը և ոչ  
այլ արհեստներ: Քենէն հակադրում է հողագործութիւնը  
արհեստներին և գործարաններին և քննում է այն հարցը,  
թէ ինչ է նստում Հասարակութեան վերայ հողագործական  
արդիւնքներ արտադրելը և ինչ է նստում նույն Հասարակու-  
թեան վերայ գործարանական արդիւնքներ արտադրելը և նա  
ջանում է ապացուցել, որ մի գործարանական արդիւնք (օրի-  
նակի համար, մի դանակ) արտադրելու համար հասարա-  
կութիւնը ուղիղ նույնքան պէտք է եղածից փչացնէ, որ-

քան նա այդ փչացածից ստեղծում է, մինչդեռ այդ հողն  
է միակ, որը կարող է աւելի տալ հասարակութեան, քան  
նա իւր տուածի համար դո՛ւ է պահանջում:

Բայց կարողանում է Քենէն արդեօք իւր այդ ասածը՝  
դրական կերպով, համոզեցուցիչ կերպով ապացուցել: Գորա  
մասին մենք մեր կարծիքը չետոյ կ'յայտնենք, առայժմ  
տեսնենք, թէ որոնք են նորա ապացույցները: Այդ  
նպատակով թոյլ տուէք իսձ առաջ բերել այստեղ թարգ-  
մանութեամբ իմ մի գերմանական աշխատանքից այն տո-  
ղերը, որոնք վերաբերում են այդ հարցին և որոնք, իմ  
կարծիքով, ամենից լաւ ամփոփումն են Ֆիլիփսրատների  
և առանձնապէս Քենէի դօքտրինի:

«Իւր հետազօտութեան մէջ հարստութիւնների ծագ-  
ման մասին Քենէն գտնում է, որ հարստութիւնները նիւ-  
թական իրերի մէջ բաղկացած լինելով, իսկ նոր նիւթա-  
կան իրեր միայն հողից ստանալ կարելի լինելու պատճա-  
ռով, երկրագործական արտադրութիւնը ազգային տնտե-  
սութեան այն ճիւղն է իբր, որը միակ նոր արժէքներ,  
ուստի և նոր հարստութիւններ արտադրել կարող է: Տն-  
տեսութեան այլ ճիւղերը, որպէս գործարանութիւնը, թը-  
ւում են Քենէին թեպէտ օգտակար, բայց անարդիւնաւէտ  
այն մտքով, որ նոքա նոր նիւթական իրեր չեն ստեղ-  
ծում: Գործարանութիւնը տալիս է արդէն գոյութիւն ու-  
նեցող նիւթերին նոր ձևեր (բամբակից, որը արդէն կայ  
և ստացուած է հողից, նա շինում է մահուդ և այլն, ու-  
րեմն բնութեան կամ հողից ստացած նիւթին գործարա-  
նութիւնը տալիս է նոր ձև, մահուդի ձև), բայց նա նիւթ  
չէ ստեղծում: Գործարանական արդիւնքների արժէքը  
որոշվում է նայած աշխատանքի, այսինքն նայած բանուոր-  
ների աշխատանքի արժէքին, իսկ աշխատանքի արժէքը  
որոշվում է նայած թէ որքան է նստում աշխատանքը,

որքան է սպառում բանւորը. իսկ սպառելու բաները բո-  
լորն էլ հողալին արդիւնաբերութիւնը, երկրագործութիւնն  
է տալիս: Այդ պատճառով իբր գործարանութիւնը ար-  
դիւնքը աճեցնող չէ և կամ, (որպէս ընդունուած է տրն-  
տեսագիտութեան մէջ ասել) Վերորդիւնութիւնը չէ, այ-  
սինքն նա չէ ստեղծում աւելի, քան նա սպառում է, այլ  
այնքանի է ստեղծում, որքան նա սպառում է: Մինչդեռ  
հողը ոչ միայն այնքան է տալիս, որքան նա բանեցնում  
է, այլ աւելի քան այդ. (օրինակ մի փութ ցորենի տեղ  
մենք ստանում ենք տասը փութ և այլն): Գորանից հե-  
տեցնում է Քենէն, որ հողի մշակութիւնը միայն կարող  
է մի նոր մարդկային արարածի կեանքի համար հարկա-  
ւոր միջոցները մատակարարել. իսկ մի նոր արարածի հա-  
մար ապրելու կարելիութիւն ստեղծել, տնտեսութեան ա-  
մենամեծ նպատակն է, թէպէտ և աւելի ցանկալի է, որ,  
երբ մի երկրի կենսական միջոցները աւելանում են, փո-  
խանակ ազգաբնակիւթիւնը նոյն չափով աւելցնելու, եղած-  
ներին աւելի հարստացնել: (Հարստութիւն քաղաքատն-  
տեսութեան մէջ կոչվում է ամեն ինչ, որը կարելի է դարձ-  
նում մարդուն բաւականութիւն տալ իւր այն պահանջ-  
ներին, որոնք համապատասխան են նորա մարդկային կոչ-  
ման, որ նոյնն է ասել թէ յառաջդիմութեան, քանի որ  
մարդկութեան կոչումը գորանից աւելի գեր նպատակ չէ  
ճանաչում: Քենէի ասելը այն է, որ եթէ զիցուք հողի  
մշակութիւնը այնքան ընդարձակուեցաւ և կամ կատարե-  
լագործուեց, որ կարելի եղաւ շարունակ զիցուք 1000  
փութ ցորեն աւելի ստանալ, քան առաջ, փոխանակ որ  
այդ 1000 փութ ցորենով մենք մի 100 նոր մարդիկ պա-  
հենք, կարող ենք այդ ցորենը տալ մի այլ մարդու, որը  
մինչ այժմ ինքը հողը մշակելով պէտք է իւր հացը ճա-  
րէր, որպէս զի նա կարողանալ մի այլ արհեստով պարա-

պել, կամ կրթութեան համար պատրաստուել և այլն. մի  
խօսքով, որպէս զի միակողմանիութեան տեղ աշխատանք-  
ների մէջ բազմակողմանիութիւն մտնէր: Իհարկէ, իսկա-  
պէս ոչ մի հասարակութիւն այդ տեսակ վճիռներ չէ կայաց-  
նում, բայց պէտք է համաձայնուել այն բանի մէջ, որ  
եթէ աշխարհքիս երեսին բոլորեքեանք երկրագործներ չեն,  
բոլորեքեանք իսմ ամենաանհրաժեշտ կերպով պէտք ու-  
նեն երկրագործական արդիւնքների մէջ. նշանակում է,  
թէ հողալին բերքերի արտադրութիւնը, յառաջդիմութեան  
մէջ գտնուող երկիրներում, կատարվում է և պէտք է կա-  
տարուի աւելի քիչ մարդկերանց ձեռքով, քան այդ երկր-  
րում բնակիչներ կան. իսկ այդ կարելի է միայն այն հան-  
գամանքներում, երբ կամ հողը շատ բերրի է և կամ  
երկրագործական արհեստը կատարեալագործուած է:)

«Քենէն յայտնում է այդ պատճառով երկրագործու-  
թիւնը խրախուսելը, որպէս տերութեան ամենաշահալէտ  
գործը:»

Ես Ձեզ առաջուց յայտնեցի, տիկիներ և պարոններ,  
որ Ֆիզիօկրատների այդ ուսումը, այդ վարդապետութիւնը  
մի նպատակ ունէր, այն է, յանուն գիտութեան, բողոքել  
կառավարչական այլ և այլ երկրագործութեան համար վը-  
նաստակար կարգադրութիւնների դէմ: Այդ կարգադրու-  
թիւններից ամենազիւաւորը այն էր, որ, սկսած Լուզովի-  
կոս XIV-ի մեծ մինիստր Կոլբերի օրերից, Ֆրանսիական  
կառավարութիւնը յաճախ արգելում էր, որ, այդ երկրից  
ցորեն դուրս բերեն, ցորենը արտահանեն դէպի դրացի երկիր-  
ներ: Կոլբերի միտքը այն էր, որ դորանով, որքան կարելի է,  
աժանանալ ցորենի զինը, որպէս զի դորանով բանւորի վարձը  
ևս, որքան կարելի է, իջնէ, բանւորի աշխատանքը աժան  
լինէ: Կոլբերի վերջնական մտադրութիւնը կայանում էր

նորանում, որ, բանւորի վարձը աժան դարձնելով, ֆրանսիական գործարանները կարողանային աւելի աժան գնով ապրանքներ դուրս բերել, քան օտար երկիրները, Անգլիան, Հոլլանդիան և այլն և դորանով Փրանսիան կարողանար խլել միև երկիրներից գործարանական արդիւնքների առուտուրը: Կօլբերին մասամբ աջողեց Հասնել իւր նպատակին և այդ մանաւանդ Կօլբերի ժամանակներին է, որ Փրանսիայում սկսեց ծաղկել նուրբ գործուածնների արդիւնաբերութիւնը, որ և տևում է ցայսօր: Խրախուսուած Կօլբերի երինակից (նա մինիստր էր ըսկսած 1660 թուականից մինչ 1683), լետուուայ Փրանսիական բոլոր կառավարութիւնները սկզբունքով արդէն Հակառակ էին ցորենի արտահանման, մինչև անգամ ամենաառաւ և ամենաաժան տարիներում: Այդ սխտիմը, որը խստութեամբ տևեց մինչև Տիւրգօի մինիստրութիւնը կամ Լուզովիկոս XVI առաջի տարիները, ուրեմն Կօլբերի մահից լետ աւելի քան իննըսուն տարի, այն աստիճանի սեղմեց ցորենի գները, աւելորդ ցորենը ծախսելու անհրանարաւորութեան պատճառով, որ, ինչպէս այդ շատ փաստերով ապացուցուած է, վաղ մշակվող հողերի մի մեծ մասը, ֆիզիօկրատների ժամանակ, բարձի թողի էր արուած, մնացել էր անմշակ. գիւղացին ոչինչ շահ չէր գտնում հողը առաջուայ չափ տարածութեամբ մշակել և կամ մի որ և է կատարելագործութիւն մտցնել երկրագործութեան սովորական սխտեմների մէջ: Առաջանալու, ծաղկելու փոխարէն, երկրագործութիւնը, մի խօսքով, ընկաւ լետողիմութեան մէջ: Եւ այս ճիշտ է, որ հողագործութիւնը 18. դարուայ Փրանսիայում չէր վայելում այն յարգ ու պատիւը, ինչ նա վայելում էր առաջ, դեռ 17. դարուայ սկիզբներում, Հենրիկոս IV մեծ թագաւորի և նորա մեծ մինիստր Սիւլլիի ժամանակներով և մինչև անգամ նոցանից

մի քանի տարիներ լետոյ երկրագործութիւնը այդ երկրում ամենեւին այն յարգը չէր վայելում, ինչ նա վայելում էր նոյն իսկ 18. դարում այլ երկիրների, մանաւանդ Անգլիայի մէջ. և մինչդեռ Փրանսիայում երկրի ամբողջ երրորդ մասի սեպհականատէրերը, ազնուականները, Լուզովիկոս XIII-ի մինիստր Րիշլիէի և Լուզովիկոս XIV-ի ժամանակներից ի վեր, թողնելով իրենց կալուածները կապալաւուններին, իրենց սովորական բնակութեան տեղին ընտրել էին քաղաքները և մանաւանդ Փարիզ մայրաքաղաքը և, մասնակից պալատական բոլոր շռայլութիւններին, միանգամայն խորթացել էին գիւղական կեանքին, Անգլիայի ազնուական դասը, ընդհակառակը, նոյն ժամակներում ներկայանում էր երկրագործութեան յառաջգիմութեան ամենամեծ կրողը, տեղեակ ամեն բանի, ինչ պիտի հետաքրքրէ մի հողատիրոջ:

Այդ էր ահա, ամենակարճ կերպով նկարագրած, երկրագործութեան այն դրութիւնը Փրանսիայում, որի դէմ բողոքել հարկաւոր համարեցին ֆիզիօկրատները: Նոքա արտալայտեցին այդ բողոքը յանուն տերունական ամենաբարձր շահերին, առաջ նետելով մի դօքտրին, մի վարդապետութիւն, որի իմաստը մենք վերը բացատրեցինք, բայց որի նպատակը բոլորովին գործնական բնաւորութիւն ունէր, այն է՝ համոզել կառավարութեան, որ ցորենի առուտուրը, ցորենի արտահանումը երկրի սահմաններից դուրս, դէպի դրացի օտար երկիրներ ոչ միայն չպիտի արգելել, այլ նա պիտի խորախուսուէր, ազատ դարձնելով ցորենի առուտուրը: Նոցա ասելով, ցորենի արտահանման առևտուրի ազատութիւնը թոյլ կ'տայ, որ ցորեն գնելու պահանջը շատանայ. իսկ դորա հետևանքը կ'լինի երկրագործութեան ընդարձակումը, որը, նոցա դօքտրինի հա-

մաճաշն, միակ ընդունակ է զբարե, այսինքն ծախսից աւելի արդիւնքներ տալ երկրին, հասարակութեան, տերութեան:

Ես պատմեցի Ձեզ, տիկիներն և պարոններ, թէ Ֆիլիօկրատների վարդապետութեան բովանդակութիւնը և թէ այն հանգամանքները, որոնք դրդեցին այդ վարդապետութեան երևան գալուն: Ասկայն դիտենալու արժանի է և այս, որ Ֆիլիօկրատների զօքտրինը, վարդապետութիւնը ոչ այնքան նշանաւոր է բուն քաղաքատնտեսական գիտութեան համար, որքան այդ գիտութեան պատմութեան համար: Նա կարևոր է այդ գիտութեան պատմութեան համար այն պատճառով, որ Ֆիլիօկրատների զօքտրինով առաջի լուրջ փորձն էր արուած գիտնականապէս ճանաչել մի երկրի հարստութիւնների բուն արմատը, նոցա գոյանալու սկզբնական պրօցեսսը: Այդ Ֆիլիօկրատներն էին, որոնք առաջին անգամ համարձակուեցան, հակառակ սովորական և ամենուրեք տարածուած գաղափարների, որոնել մի երկրի նիւթական կարողութիւնը կազմող հարստութիւնները մի այլ բանի քան փողի՝ արծաթի և ոսկու մէջ, որոնց քանակութեամբ մինչև այն ժամանակ ընդունուած էր չափել երկիրների հարուստ թէ աղքատ լինելը և որոնց ձեռք բերելու համար տերութիւնները ամեն հնարաւոր միջոց գործ էին դնում: Աւեթղ և խելացի քննադատութեան ենթարկել հասարակութեան բարձր և ստորին, կրթուած թէ անկիրթ գասակարգերի մէջ հաւասարապէս իշխող և իբր թէ անհատական փորձառութիւններով ճշմարտութեան կնիքը ստացած կարծիքները— մեծ գործ պիտի համարուի, և արդիւնաւէտ, որովհետև միայն այդտեսակ քննադատութիւնն է, որը կ'ստիպէ մարդուն աչքը դարձնել իրերի մակերևոյթից աւելի խորը տեսնելու համար. իսկ իրերի խորքերը քննելով, մարդս անշուշտ կ'գտնէ մի որ և է

արմատ, որը միացնում է հասարակ աչքին իրարից տարբեր բաներ երևցող իրերը: Այդ տեսակ վարուելով, քիմիկոսներին յաջողեց ապացուցել, որ այն բոլոր առարկաները, որ մենք տեսնում ենք աշխարհքիս երեսին, ինչ ձեւի և գոյնի, ինչ անտակ փայլի և ինչ համի և նոքա լինեն, նոքա բոլորը միայն զանազան բաղադրութիւններ են այն սկզբնական նիւթերի, այն պարզ մարմինների, որոնց թիւը զարմանալի փոքր է համեմատած աշխարհքում գտնուող և աչքին իրարից տարբեր երևցող իրերի թուի հետ: Յոյրը դիտութիւններին այդ մի բանը չատուկ է՝ որոնել երևոյթների սկզբնապատճառները, որոնել ամբողջութիւնը իշխող սկզբունքները, պրինցիպները: Այդ մտքով Ֆիլիօկրատների մտածողութեան եղանակը կատարեալ գիտնական ոգով է իշխուած, որովհետև նոքա ջանացին հարստութիւնների ծագումը գտնել և նոքա գտան, այդ, որպէս Ձեզ այժմ յայտնի է, այն գուտ արդիւնքի մէջ, որը տալիս է հոգը սորան խելացի կերպով մշակելու պայմանով: Հոգից ստացած այդ գուտ արդիւնքն է, որը միակ հարստութիւն կարելի է անուանել, որովհետև, նոցա զօքտրինի համեմատ, այդ գուտ արդիւնքի համար հասարակութիւնը իւր կողմից ոչինչ չէ գոհում. այդ գուտ արդիւնքը բնութեան պարզ և է: Ըստ Ֆիլիօկրատների, գործարանական արդիւնքները ոչ այլ ինչ են, եթէ ոչ նոյն գուտ արդիւնքները, որ մենք ստանում ենք հոգից, միայն թէ օգտակար շինած հասարակութեան համար, յարմարեցրած հասարակութեան պահանջներին, և այդ պատճառով գործարանութիւնը վերաբերւած է, նա նոր արժէքներ չէ ստեղծում, բայց չնայած դորան՝ գործարանութիւնը օգտակար է, նոյն Ֆիլիօկրատների կարծիքով:

Ես ասացի Ձեզ, տիկիներն և պարոններ, որ Ֆիլիօկ-

րատների դօքտրինը ոչ այնքան այժմեայ քաղաքատն-  
տեսական գիտութեան համար կարևոր է, որքան այդ  
գիտութեան պատմութեան համար: Ինչու ? որովհետև  
Ֆիզիոկրատների դօքտրինը, որը իւր ժամանակին մեծ ազ-  
մուկ հանեց և նշանաւոր ներկայացուցիչներ ունեցաւ,  
տեղ տուեց մի այլ ուսման, մի այլ դօքտրինի, մի այլ ըս-  
կզմունքի, որը գիտութեան համար իրանից աւելի արդիւ-  
նաւէտ հանդիսացաւ: Այդ նոր ուսման առաջի և ամե-  
նագլխաւոր հիմնողը ու ներկայացուցիչը եղաւ շոտլանդացի  
Ադամ Սմիթը: Սա ստեղծեց քաղաքատնտեսութեան մի  
սիստեմ, որը իւր լայնածաւալութեամբ ըմբռնում է բոլոր  
տնտեսական երևույթները, ազատելով այդպիսով քաղա-  
քատնտեսութիւնը այն նեղ սահմաններից, որի մէջ նա  
կ'մնար փակուած, եթէ Քենէի մտքերը շարունակէին  
իշխել: Այժմ ժամանակը չէ խօսել Ադամ Սմիթի և նորա  
սիստեմի մասին, որովհետև այդ սիստիմը, հիմնուած լի-  
նելով գլխաւորապէս աշխատանքի գաղափարի վերայ,  
ուղղակի կապ չունէ մեր այսօրուայ դասախօսութեան հա-  
մար ընտրած նիւթի հետ, որը հողն է և հողագործու-  
թիւնը: գորա մասին մենք առիթ կ'ունենանք խօսելու  
մեր հետեւեալ դասախօսութեան մէջ. այստեղ միայն մո-  
ռացած չլինենք այս հաստատ բանը հաղորդելու, որ  
Ֆիզիոկրատները առաջիններն էին, որոնք փորձեցին տն-  
տեսական երևույթների մէջ հիմնական սկզբունքներ գտ-  
նելու և որ Ադամ Սմիթը, նախ քան իւր սեպհական սիս-  
տեմի ստեղծելը, քաջ տեղեակ էր ֆիզիոկրատական ուղղու-  
թեան և անձնապէս ծանօթ գորա նշանաւոր ներկայա-  
ցուցիչների հետ: Եւ այդ դեռ բաւական չէ. Ադամ Սմիթը  
ընդունել էր իւր սիստիմի մէջ թէօրէներ և հայացքներ,  
որոնք մանաւանդ ֆիզիոկրատների կողմից ուսումնասի-  
րուած և հաստատուած էին առաջին անգամ:

Բայց ինչի մէջ պիտի արդեօք ֆիզիոկրատների ուս-  
ման գլխաւոր պակասութիւնը որոնել ?  
Եթէ ֆիզիոկրատների ուսումը երկար կեանք չունե-  
ցաւ, գորա պատճառը այդ ուսման միակողմանիութեան  
մէջ պիտի որոնել: Տեսնելով մի երկրի հարստութիւնների  
միակ աղբիւրը հողի տուած զուտ արդիւնքի մէջ, ֆիզիոկ-  
րատները միանգամայն անտես էին առնում, որ մի երկիր  
սահմանափակ տարածութիւն ունէ, որ ուրեմն հողագոր-  
ծութիւնը չէ կարելի ուղեցածին չափ ընդարձակել. իսկ  
երկրորդ, որ հողի մշակութեան կատարելագործութիւնը  
ոչ միայն դանդաղ քայլերով է առաջանում, այլ և այդ  
կատարելագործութեամբ հողի զուտ արդիւնքը, որպէս  
ներքև կ'ապացուցուի, արած զոհերին համեմատ չէ աւե-  
լանում և կամ գոնէ ոչ միշտ: Եթէ երկիրների հարստու-  
թիւնը հողի տուած զուտ արդիւնքի չափսով պիտի չա-  
փուի, ապա ինչ պիտի անէ մի երկիր, որի համար հա-  
սած է արդէն հողի մշակութեան այն շրջանը, երբ աշ-  
խատանքը առաջուայ չափով չէ գնահատվում, արդիւնքի  
նուագելու պատճառով ? Ակներև է, որ, ըստ ֆիզիոկրատ-  
ների դօքտրինի, մի այդպիսի երկիր պիտի սկսէր նուազ  
առ նուազ աղքատանալ: Արդ, Եւրոպայի ամենահարուստ  
երկիրները - Անգլիան, Բելգիան, Ֆրանսիան և այլն, արդէն  
բաւականի ժամանակ է վեր մատամբ հասած են այդ կէտին  
և, չնայած գորան, նոքա շարունակում են հարստանալ.  
այդ երևում է արդէն նորանից, որ նոքա բոլորը առաջ-  
դիմութեան մէջ են գրեթէ ամեն կողմանէ:  
Ֆիզիոկրատների ուղղութիւնը միակողմանի է, ասացի:  
Նոքա նայում են շինուած, ձևակերպած, գործարանական  
եղանակով արտադրած իրերի վրայ միմիայն որպէս օգտակար  
իրերի վրայ, չուզելով յատկացնել նոցա նոր հարստութիւններ  
գոյացնելու ոյժը: Բայց մի երկրի հարստութիւնը արդեօք

միայն հում նիւթերի մէջ է կայանում, արգեօք հարստութիւն արտադրել չէ, երբ մի իր մի ձև է ստանում, որը միայն համապատասխան է մարդու պահանջներին? Արգեօք այն փորձը, այն գիտութիւնը, որոնք հարկաւոր են հում նիւթերից օգտակար գործուածներ, ֆաբրիկատներ շինելու համար և որոնք ձեռք են բերվում ամենամեծ զոհաբերութիւններով և աշխատանքով թէ անհատների և թէ հասարակութեան կողմից — դոքա զրական հարստութիւններ չեն մի երկրի համար? Հետեւելով ֆիզիօկրատների գաղափարներին, քաղաքատնտեսութիւնը պիտի անտես առնէր այդ բոլորը: Այդ հանդամանքն էր, որ ինձ ստիպեց ասել, թէ ֆիզիօկրատների դօքտրինը բաւականաչափ ընդարձակ չէ, որպէս զի նա գիտութեան հիմք կարողանար դառնալ և այդ պատճառով նա տեղ պիտի տար Ադամ Սմիթի ուսման, որը աւելի լայն է ըմբռնում տնտեսական երևոյթները: Քայց ֆիզիօկրատների թէօրէն հողի արդիւնաւէտութեան մասին չպիտի հենց այդ պատճառով արհամարուի. բացի նորանից, որ նա գուրկ չէ մտքի խորութիւնից և բացի նորանից, որ նա հիմնուած է գիտօգութիւնների վրայ, որոնցից մի քանիսը անցել են գիտութեան մէջ, որպէս սորա սեպհականութիւն, այդ թէօրէնով առաջին անգամ փորձ փորձուեցաւ տնտեսական երևոյթները քննադատական խիստ կանոններով զիտել և նոցա մէջ իշխող պրինցիպները ճանաչել:

Մի զարմացե՛ք, ուրեմն, որ ֆիզիօկրատների շարադրութիւնները, շնորհիւ նոցա ձգտումների անկեղծութեան և քննադատական լրջմտութեան, պահպանել են դեռ մինչ օրս նորութեան այն հրապօլորը, որը այնքան յատուկ է բուն գիտնական հետազօտութիւններին և որ նոցա ընթերցանութիւնը անհրաժեշտ է համարուած ամեն մարդու համար, որը քաղաքատնտեսութիւնը միմիայն

պատահական գրուածքներով չէ ուզում ուսումնասիրել: — Այսքանը բաւական է ֆիզիօկրատների մասին: Գաւնանք այժմ այլ հետազօտութիւններին հասարակաց ծանրակշիւ հարցերի վերաբերեալ, որոնց մէջ հողը և հողագործութիւնը գլխաւոր նիւթն են կազմում:

Տիկիւններ և Պարոններ!

Հասարակաց արդարութիւնը մի ազգի խաղաղ և յառաջադէմ կեանքի ամենահիմնական սկզբմուքներից մէկն է. արհամարհել նորան կ'ըշանակէ արհամարհել հասարակութիւնը ինքը: Հասարակաց արդարութիւնը կայանում է սորանում՝ վայելել տալ հասարակութիւնը կազմող իւրաքանչիւր անդամին նորա աշխատանքի արդիւնքը և իւրաքանչիւրին մասնակցել տալ ընդհանուր հասարակաց կամ տէրունական ծախքերի մէջ ըստ չափու կարողութեան: Ես մտադրութիւն չունիմ այժմ Ձեզ զբաղցնել այդ բարդ և կնճռոտ հարցերով և յիշել Ձեզ մի առ մի, թէ ինչ վիճաբանութիւնների և թէօրէնների տեղիք է տուած արդիւնքների բաժանման խնդիրը, այն խնդիրը, որը, բանորային կամ հասարային հարցի անունով, կազմում է եւրոպական ամենաառաջադէմ երկիրների ներքին քաղաքականութեան Գորդեան հանգույցը: Մեր խօսքը մի աւելի մասնաւոր հանգամանքին է վերաբերում, բայց որը առաջինի հետ այն մտքով կապ ունէ, որ նա ցոյց է տալիս, թէ, անհատական սեպհականութեան իշխանութեան ներքոյ, կարելի է, որ մի չայտնի դասակարգ և կամ մի մասնաւոր անձը իրան սեպհականացնէ և ուրեմն վայելէ մի արդիւնք, որը ոչ նորա սեպհական կամքով և ոչ նորա աշխատանքով է ստեղծուած, այլ որը առաջացած է հասարակութեան ընդհանուր ջանքով, հասարակութեան, ազգի, երկրի ընդհանուր առաջադիմութեան պատճառով:

111  
1007  
3114

Այդ թեմային ծառայում է Ռիկարդօի այսպէս կոչուած Քենտի թէօրէն: Գաւիթ Ռիկարդօն ամենանշանաւոր քաղաքատնտեսական մտածողներից մէկն է և գրում էր մեր դարուայ առաջի քառորդում: Իբրև մտաւոր, իբրև ըմբռնող ոչ թ— Ռիկարդօին կարելի է մեծ մտածողի անունը տալ: Սկզբնապէս վաճառականութեամբ պարապած լինելով, Ռիկարդօն ասպարէզ դուրս եկաւ ոչ իբրև քաղաքատնտես և, տալով իւր 1817 թուին հրատարակած գրութեամբ ին «Քաղաքատնտեսութեան և գնահատութեան սկզբմունքներ» վերնագիրը, նա իսկապէս չուզեց մի ձեռնարկ տալ հասարակութեան, այլ այդ գրութեամբով նա ուզեց միայն հաղորդել հարցով հետաքրքրւողներին և մասնագէտներին իւր սեպհական հետադասութիւնների արդիւնքները: Նորա գրելու և մտածելու եղանակը վերին աստիճանի արտրակտ է, վերացական է և կամ, աւելի լաւն ասած, ենթադրական է. այսինքն, նա այլապէս չէ խօսում, քան ենթադրելով հանգամանքները այնպէս, որպէս նա ուզում է և լոգիկական հետեւանքներ դուրս բերելով իւր ենթադրած հանգամանքներից: Այդ արդէն ընթերցողի բանն է, լաւ ըմբռնած լինելով նորա մտքերը, պատշաճել նորա խօսքերը հանգամանքներին, երբ հարկաւոր է իսկական, իրական երևոյթները ճանաչել, մեկնել: Ռիկարդօի ոճը այդ իսկ պատճառով սուր է, որպէս լոկ լոգիկայի վերայ հիմնուած ամեն մի գատողութիւն և համարձակ, որպէս այդ յաճախ պատահում է, երբ մարդս երկաթային շղթաներով իրան կապուած չէ համարում գաղափարին համապատասխանող իրական, շատ անգամ կանոնին ոչ կատարելապէս ճշտութեամբ ենթարկուող մասնաւոր դէպքերի հետ. երբ նա, միայն գլխաւոր մտքով զբաղուած, երկրորդական հանգամանքների վրայ ուշադրութիւն չէ դարձնում և այդպիսով տեղիք է տա-

լիս թշնամական հարձակումների, որոնք նա աւելի անարգար են լինում, որքան դոցա հեղինակները առաջնի կատարեալ հակառակն են գործում՝ մի կողմ թողնելով գլխաւոր միտքը և զբաղուելով միայն երկրորդական կետերով:

Յայց դառնանք դէպի հարցը և տեսնենք, ինչու մն է կայանում Ռիկարդօի Քենտի թէօրէն, որը այնքան հարուստ է հետեւանքներով և որը քաղաքատնտեսութեան և քաղաքական կեանքի մէջ նշանակութիւն ստացած այլ և այլ ուսումների, դօքտրինների սկզբնապատճառ, իսկ մասամբ ուղղակի հիմք է ծառայած:

Ձեզ ամենքին յայտնի է, տիկիներ և պարոններ, որ երբ մէկը մի սեպհականատէրից մշակութեան համար իջարով, կապալով հող է վերցնում, այդ կապալառուն հողի սեպհականատիրոջ առհասարակ փող է վճարում և կամ վերջապէս մի վարձատրութիւն է տալիս: Հասարակաց լեզուի մէջ այդ վարձատրութեան կապալադրամ և կամ, որպէս այդ բոլոր եւրոպական լեզուներում ընդունուած է, ընտ եւ անուանում: Երբ ասում են, թէ այս ինչ հողը հարիւր բուբլի ընտ է տալիս, այդ նշանակում է, թէ այդ հողի սեպհականատէրը ստանում է հարիւր բուբլի և կամ հարիւր բուբլու չափ բերքեր այն մարդուց, որը ստացել է իրաւունք այդ հողը իւր սեպհական օգտի համար մշակելու:

Այդպէս է հասկացվում ընտ բառը հասարակաց լեզուի մէջ. բայց այդպէս չէ հասկացվում նա քաղաքատնտեսութեան մէջ Ռիկարդօից սկսած: Եւ լիրաւի, եթէ քննենք, թէ ինչու մի կապալառու հողի սեպհականատիրոջ, օրինակի համար ասած, հարիւր բուբլի է վճարում, մենք կ'տեսնենք, որ այդ հարիւր բուբլին չէ գը-

նում լիապէս սեպհականատիրոջ զուտ օգտին. չէ թէ սեպհականատէրը ինքը գնել է այդ հողը, ուրեմն փող է վճարել և այդ փողը, երկրի սովորութեան համեմատ, տոկոս պիտի բերէ. չէ թէ մի հող մշակութեան ընդունակ գրութեան մէջ պահելու, ուրեմն և կապարով տալու համար հարկաւոր է, որ սեպհականատէրը այլ և այլ, բոլոր կալուածատէրերին անկասկած յայտնի ծախքեր անէ և կամ անձնապէս հսկէ, աշխատէ, պարապուէ նորանով: Արդ, այդ բոլոր վարձատրութիւն է պահանջում և այն հարիւր բուբու մէջ, որը ստանում է հողի սեպհականատէրը, հաշուած է սորա արած ծախքերի տոկոսը և ջանքի վարձատրութիւնը: Բայց արդեօք կարող է սեպհականատէրը աւելի ստանալ քան այդ ? Բիկարդօն ցոյց տուեց, որ այն հարիւր բուբու մէջ, բացի աշխատանքի և գործադրած գումարների տոկոսը, կա մի այլ բան, որին միայն բէն կարելի է անուանել: Բենտը, ըստ Բիկարդօի, ոչ փողի տոկոս է և ոչ աշխատանքի վարձատրութիւն և այդ պատճառով այն հարիւր բուբուն դեռ ամբողջապէս հողային բնուտ չէ. բենտը այդ գումարի միայն մի ֆուն է, մի մաս, որի մեծութիւնը ճշգրտութեամբ որոշել թէպէտ և շատ դժուար է, բայց որի գոյութիւնը կարելի է ասացուցել արդէն իմացականապէս, հիմնուելով մի քանի ամենքին յայտնի իրողութիւնների վերայ:

Տեսնենք, թէ ինչ է ուզում ասել Բիկարդօն:

Մենք բոլորեքեանքս գիտենք, տիկիւններ և պարոններ, որ մի երկրի բնակիչները թիւր աճում է և այդ պատճառով մի յառաջագէտ երկրի ազգաբնակչութիւնը, քանի գնում, այնքան աւելի խտանում է: Բայց և այն մի առանձին ապացոյցի կարօտ չէ, որ մի երկրի հողը իւր բոլոր մասերում նոյն բերրութիւնը չունէ. կան այսպէս

անուանած լաւ հողեր, որոնք առատ բերք են տալիս. կան և միջակ հողեր, վատ հողեր և այլն: Հողի աւելի մեծ բերրութիւնը կախուած լինի հողի մէջ գտնուած միներալական բաղադրութիւնների աւելի մեծ քանակութիւնից, թէ ջրի առատութիւնից և այլն, այդ մեր քննելու բան չէ. միայն թէ փաստ է, որ հողը մի երկրի զանազան տեղերում նոյնը չէ բերրութեան տեսակէտից. այնպէս որ, եթէ հետազոտելու լինենք մի ամբողջ երկիր, Կովկասը, Ռուսաստանը, Գերմանիան, Ֆրանսիան և այլն, մենք կարող ենք որոշել երկրի զանազան տեղերում ցրուած հողերի նկատմամբ բերրութեան զանազան աստիճաններ: Այլինեն հողեր, որոնք մօտ միևնոյն բերրութիւն կ'ունենան, թէպէտ և զանազան տեղերում ցրուած լինեն նոքա. բայց կարող է պատահել, որ երկրի մի մասում միայն լաւ հողեր են, մի այլ մասում միայն միջակ, միևսում միայն ստոր հողեր և այլն: Այսպէս կամ այնպէս, հողերը կարելի է դասաւորել ըստ բերրութեան աստիճանների և անուանել ամենազերագանց հողերին № 1, լաւ հողերին՝ № 2, միջակներին № 3, աւելի ստոր հողերին՝ № 4, վատ հողերին՝ № 5, և այլն:

Բայց արդեօք ինչով պէտք է չափել զանազան հողերի բերրութիւնը: Հասկանալի է, որ տնտեսական տեսակէտից նայած, մի հող աւելի բերրի պիտի համարուի մի այլ հողից, եթէ այդ երկու կտոր հողերի վրայ հաւասարաչափ ծախք, ջանք, աշխատանք արուէն, բայց մէկը միւսից աւելի շատ բերք տայ, մէկը միւսից աւելի մեծ արժողութեան արդիւնք տայ: Այդ նոյնն է ասել, թէ աւելի ստոր հողը այն հողն է, որի վերայ աւելի շատ փող և աշխատանք պէտք է գործ դրուի, մի այլ աւելի լաւ հողի չափ հաւասար արդիւնք ստանալու համար: Օրինակ, եթէ հարիւր փութ ցորեն ստանալու համար № 1 հողը,



որը ամենագերագանց հողն է, պահանջում է միայն լիստուն ըուբլի ամեն տեսակ ծախք, նորանից աւելի ստոր № 2 հողը, նոյն հարիւր փութ ցորենը տալու համար, կ'պահանջի աւելի ծախք, դիցուք լիստուն և հինգ ըուբլի սորանից ևս աւելի ստոր № 3 հողը՝ վաթսուն ըուբլի. № 4-ը՝ վաթսուն և հինգ ըուբլի, № 5-ը՝ եօթանասուն ըուբլի և այլն: Այնպէս որ, եթէ ամենագերագանց հողերը միայն մի մարդու սեպհականութիւն լինէին, № 2 հողերը մի այլ մարդու ձեռքում և այսպէս շարունակ և բոլորեքեանք միաժամանակ մշակէին իրենց հողերը, առաջինն կ'նստէր մի փութ ցորենը լիստուն կոպէկ, միւսին լիստուն և հինգ կոպէկ, երրորդին՝ վաթսուն, չորրորդին՝ վաթսուն և հինգ, հինգերորդին՝ եօթանասուն կոպէկ: Որքան մի հող աւելի ստոր աստիճանին է պատկանում, նոյնքան նորա արդիւնքը, աւելի լաւ հողի արդիւնքի նստուածքի հետ համեմատած, աւելի թանկ է նստում:

Արդ, ասում է Ռիկարդօն, քանի որ ազգաբնակիւթիւնը դեռ նուազ է մի երկրում, կարևորութիւն չէ զգացվում, ժողովուրդը կերակրելու համար, դիմել ստոր չատկութեան հողերին. ամեն մարդ աշխատում է հնարաւորին չափ մի արդիւնք արժանագոյն կերպով արտադրել և այդ պատճառով սկզբում մարդիկ դիմում են միայն գերագանց հողերին, որանցից, որպէս վերը տեսանք, արդիւնքներ ամենից արժան կերպով կարելի է ստանալ, քան վատ հողերից: Իսկ երբ միայն մի չատկութեան գերագանց հողն է մշակվում ամենուրեք և այդ գերագանց հողերից ստացվում է մի փութ ցորեն, դիցուք, լիստուն կոպէկով, այդ ցորենը կարող է ծախուել երբէք ոչ նուազ, քան լիստուն կոպէկով, եթէ ցորեն ծախողները մէջ ամենամեծ մրցութիւն անգամ ենթադրենք: Ի հարկէ, մի ապրանք,

որը լիստուն կոպէկ միայն սեպհականատիրոջ է նստել, պէտք է ծախուել նստածից քիչ աւել, որպէս զի նա կարողանայ նաև օգտուել, իւր աշխատանքի համար վարձատրուել:

Սակայն, շարունակում է մտածել Ռիկարդօն, ժամանակով երկրի ազգաբնակիւթիւնը աճում է մինչև այն աստիճանի, որ մինչև այժմեայ մշակութեան մէջ զտնուած գերագանց հողերը այլ ևս բաւականութիւն չեն տալիս, այդ հողերից ստացած արդիւնքները չեն կարողանում բոլորին բաւականութիւն տալ: Կարօտութիւն է զգացվում մշակել, գերագանց հողերից գատ նաև աւելի ստոր, բայց բոլոր մնացածներից աւելի բարձր, ուրեմն, ըստ վերևի ենթադրութեան՝ № 2 հողերը: Այս հողերից ստացած ցորենը, որպէս վերը արդէն ենթադրեցինք, նստում է աւելի թանկ, քան գերագանց հողերից ստացած ցորենը, այն է փութը ոչ լիստուն, այլ լիստուն և հինգ կոպէկ:

Ահա այդ ժամանակներումն է, որ սկսում է բնական կոչուած բանը երևան գալ. և ում համար ? գերագանց հողերի սեպհականատէրերի համար և ահա ինչպէս: Յորենի գին վաճառանոցում Բէ՛ է մի չալտնի ժամանակում. ցորենի տէրերը իրար հետ մրցելով, իջեցնում են ապրանքի գինը մինչ մի աստիճանի, որից պակաս ոչ ոք այլ ևս չի համաձայնուիլ նորան ծախել: Ում ապրանքը ամենից աժան է նստել, նա կարող է ամենից շատ իջեցնել, եթէ հարկը ստիպէ: Բայց արդեօք գերագանց հողերի տէրերը, որանց ցորենը աւելի աժան է արտադրուել, քան № 2 հողերի տէրերի ցորենը, կարող են և կամ պարտաւորուել կ'լինեն ցորենի գինը իջեցնել մինչև լիստուն կոպէկ փութը ? Այո՛, իսկապէս դատած, նոքա այդ կարող են անել, բայց եթէ նոքա այդ անեն, այն ժամանակ № 2 հողերի տէրերը ստիպուած պիտի լինեն իրենց ցորենի

գինը նմանապէս իջեցնել մինչ յիսուն կոպէկ. բայց որովհետեւ նոցա ցորենը իրենց աւելի թանկ է նստել, նոքա այդ չեն անիլ և այդ պատճառով վաճառանոցում ցորենի գինը կ'լինի ամենապակասը յիսուն և հինգ կոպէկ, մինչև անգամ նոցա համար, որոնց ցորենի փութը միայն յիսուն կոպէկ է նստել. մինչդեռ առաջ, երբ № 2 հողերը մշակելու կարօտութիւն չկար, ցորենի գինը ամենապակասը միայն յիսուն կոպէկ էր: Այդ հանգամանքից օգտուողները միայն գերազանց, այն է № 1 հողերի տէրերն են, որովհետեւ, առանց որ նոքա աւելի մսխէին և աշխատէին, քան առաջ, նոցա ցորենի գինը վաճառանոցում, ամենամեծ մրցութեան դէպքում անգամ, փութին հինգ կոպէկով աւելանում է. որքան և ցորենի գինը յիսուն և հինգ կոպէկից բարձրանայ, ուրեմն որքան և № 2 հողերի տէրերը օգուտ ստանան, գերազանց հողերի տէրերը նոցանից միշտ փութը հինգ կոպէկ աւելի կ'աշխատեն: Արնի այդ գինը վաթսուն կոպէկ, առաջնակարգ հողերի տէրերը կ'աշխատեն տասը կոպէկ, երկրորդակարգ հողերինը՝ հինգ կոպէկ միայն. լինի այդ գինը եօթանասուն կոպէկ, առաջինների օգուտը կ'լինի քսան, երկրորդներինը՝ տասն և հինգ կոպէկ, ուրեմն հինգ կոպէկի *դասպատումին* օգտի ձեջ նոցա մէջ միշտ կ'լինի:

Այդ աւելի մեծ օգուտը, որը միայն աւելի գերազանց հողերի տէրերն են ստանում և որը գոյանում է այն զանազանութիւնից, որը կայ արդիւնքի նստուածքի մէջ — անուանում է Ռիկարդօն *բէն*: Բենտը ուրեմն ոչ փողի տօկօս է, ոչ աշխատանքի վարձատրութիւն, այլ մի առանձին օգուտ, որը գոյանում է զանազան տեսակ մշակող հողերից լաւագոյնների տէրերի համար, երբ ազգաբնակչութեան աճումը ստիպում է բնակիչներին դիմել աւելի ստոր դասակարգի հողերին:

Պարզ է, որ քանի բնակիչների թիւը աւելի ու աւելի աճէ, նոյնքան ստիպողական պիտի լինէ ևս աւելի ստոր № 3, յետոյ № 4, № 5 և այլ հողերին դիմել, նոյնքան աւելի պիտի ուրեմն լաւագոյն հողերի տէրերի համար ընտրը աւելանայ: Հարկաւորուեց № 3 հողերը մշակել, որոնցից ցորենի փութը կարող է ստացուել միայն վաթսուն կոպէկով, № 1 հողատէրերի համար ընտրը կը լինի տասը կոպէկ, իսկ № 2 հողատէրերի համար *բէն* արդէն առաջին անգամ հինգ կոպէկի ընտ գոյանայ: Հարկաւորուեց մշակել նաև № 4 հողերը, առաջինները կ'ստանան ընտ տասն և հինգ կոպէկ, երկրորդները՝ տասը, իսկ երրորդների համար առաջին անգամ կ'գոյանայ հինգ կոպէկի ընտ. չորրորդները դեռ չեն ունենայ ընտ, իսկ այդ ունենալու համար պէտք է սպասեն, մինչև կ'սկսուեն մշակուել № 5 ստոր հողերը և այսպէս շարունակ: —

Ես կարծում եմ, տիկիներ և պարոններ, որ Ռիկարդօն ընտի թէօրէի այն բացատրութիւնը, որը ես Ձեզ տուի, այնքան պարզ է, որ հազիւ մի որ և իցէ կէտի մէջ ես Ձեզ մթութեան մէջ թողած լինեմ: Ինքը Ռիկարդօն պարզաբանում է իւր ասածը հետեւեալ օրինակով: Մի դեռ չվարած երկիր բնակեցվում է մի փոքրաթիւ գաղթականութիւնով: Քանի որ այտտեղ դեռ աւելորդ կայ առաջի կարգի հողերից, և ամենքը կարող են նոցանից ձրի մի կտոր ձեռք բերել, արդէն բռնուած հողերի համար ոչ մի ընտ կարող չէ գոյութիւն ունենալ: Բայց երբ առաջի յատկութեան հողերը բոլորովին վարած, մշակուած են և նոքա մի յայտնի կապիտալի օգնու-

Թեամբ տալիս են ակրը 5 քուարտեր \*). Իսկ միւս կողմից, երբ աճող ազգաբնակութիւնը ստիպում է երկրորդ կարգի հողերը մշակել, որոնք նոյն կապիտալով միայն 4 քուարտեր են տալիս՝ այն ժամանակ գոյանում է առաջի կարգի հողերի մի ակրի համար տարեկան մէկ քուարտերի բնատ: Որովհետեւ այժմ 4 քուարտերի գինը բաւականաչափ բարձր է մի ակրի համար արած արտադրութեան ծախքերը ծածկելու համար, և մի երկրագործի համար պիտի միւսնույնը լինի, թէ նա առաջի հողի վրայ, որպէս կապալառու, 5 քուարտեր ստանայ և մի քուարտեր լետ տայ, թէ երկրորդ հողի վրայ, որպէս սեպհականատէր, հենց ի սկզբանէ միայն 4 քուարտեր հնձէ: Աճում է ազգաբնակութիւնը ևս առաւել, այնպէս որ երկրորդ կարգի, ուրեմն արկըրը միայն 3 քուարտեր տուող հողերը պիտի մշակուեն, — ցորենի գինը կրկին բարձրանում է, որովհետեւ այժմ արդէն 3 քուարտերը պէտք է ծածկեն արտադրութեան ծախքերը: Այդպիսով առաջնակարգ հողերը կ'տան 2 քուարտերի բնատ, երկրորդ կարգի հողերը՝ 1 քուարտեր և այլն:

Այդ է այսպէս կոչուած Ռիկարդօի բնատի թէօրէն. և դուք արդէն նկատած կ'լինէք, տիկիները և պարոններ, որ Ռիկարդօն ուղեցել է այդ թէօրէսով մի հանգամանք բացատրել, որը գոյութիւն ունէ կեանքի մէջ, բայց որը ի հարկէ, այնպէս պարզ կերպով գուցէ ոչ մի երկրում գոյութիւն չէ ունեցած, որպէս այդ նա է ենթադրում:

\*) Ակրը անգլիական չափն է տարածութեան. մի ակրը հաւասար է ուսսաց դեսետինի 0. 37 մասին, ուրեմն դեսետինի մի երրորդից մի վորը աւելի: Քուարտեր մանաւանդ ցորենի չափն է և հաւասար է 290 1/2 լետրի կամ ուսսաց 11 չետվերիկի (Իսկապէս 11. 09 չետվերիկ):

Օրինակ, շատ դժուար է թոյլ տալ, որ մի երկրում մշակուող հողերը սկզբում միմիայն գերագանց հողերը լինեն, յետոյ նաև հետեւեալ լաւ հողերը և այլն, թէպէտ և մի և նոյն ժամանակ անկասկած է, որ ամենայն ժամանակ մարդիկ ձգտում ունեն ձեռք բերել որքան կարելի է լաւ հողեր: Միւս կողմից, հողերը դասակարգերի բաժանել այն եղանակով, ինչպէս Ռիկարդօն է անում, անշուշտ սխալ է շատ դէպքերում: Չատ թէ քիչ ճշտութեամբ հողերը կարելի է ըստ բերրութեան դասակարգերի բաժանել միայն մի յայտնի ժամանակի նկատմամբ. չէ թէ լաւն ու վատը այստեղ որոշվում են, նայած որ հողից ամենաաժան գրնով արդիւնք է ստացվում. արդ, կան հողեր, որոնք այս կամ այն պատճառով, օրինակ ջրի պակասութիւնից այսօր ամենեւին արդիւնք չեն տալիս, ուրեմն նոքա պիտի պատկանեն ամենաստոր կարգին. մի ջրանցք շինելուց յետ, այդ հողերը կարող են ամենաբերրի հողեր դառնալ: Արդ, Ռիկարդօի մտքին համեմատ, ջրանցք անցկացնել կը նշանակէ ծախք անել, ուրեմն ցորենի գինը թանկացնել. իսկ եթէ այդ ջրանցքի ծախքը աննշան լինի հողի մեծութեան և ուրեմն ստանալու արդիւնքի համար? և եթէ այդ հողերը, նոյն իսկ ջրանցքի ծախքերի հետ միասին, աւելի աժան բերք տան, քան մինչ այն ժամանակ մըշակուող եթէ ոչ № 1 գոնէ № 2, № 3 հողերը? Ես արդեն չեն խօսում այն իրապէս միշտ կատարուող բանի վերայ, որ յայտնի և մեծ տարածութեամբ հողեր անբերրի կամ գոնէ տնտեսապէս անձեռնառու են համարվում միայն հետադարձաբար պատճառով կենտրոնական տեղերից և կամ վատ ճանապարհների պատճառով. այնպէս որ, երբ ճանապարհը գտնվում է և կամ շինվում, այնտեղերից եկած բերքերի առատութիւնը դադարեցնել է տալիս կենտրոնական տեղերի մօտ գտանուած այն հողերի մշակու-

Թիւնք, որոնք մինչև այն ժամանակ լաւ և միջակ հողեր էին համարվում և այդ պատճառով առաջնակարգ հողերի համար գոյացած ընտրելի կամ պակասում է և կամ կրկին ոչնչանում մինչ ազգաբնակիւթեան նոր աճելը, որը կրկին կ'ազդէ բերքերի գների վրայ և ընտրելի կ'ըզայցնէ: Զուգենակերը և երկաթուղիները տոյգ տեսակ հետեւանք ունեցան եւրոպական ազգերի համար, Հիւսիսային Ամերիկայի Միացեալ Նահանգներին ամենաաժան կերպով ցորեն հասցնելով Եւրոպայի մի քանի երկիրներ, մանաւանդ Անգլիա և Ֆրանսիա: Եւ եթէ երկաթուղիներ Ռիկարդօի ժամանակ դեռ չկային, լաւ ճանապարհների գաղափարը գտնէ նոր չէր:

Բայց արդեօք այդ բոլոր հանգամանքները, որոնց Ռիկարդօն անտես է առնում, ոչնչացնում են նորա ընտրի թէօրէն ? Այլ երբէք, այդ բոլորը ցոյց է սուլիս միայն, որ Ռիկարդօն գտած և նորանից առաջին անգամ գիտնականապէս հետազոտած ընտրելի այն պարզ ու շարունակ կերպով չէ բարձրանում, ինչպէս այդ կարելի էր նորա թէօրէից եզրակացնել, այլ թէ այդ ընտրելի ենթարկվում է այլ և այլ փոփոխումների, նայած թէ ազգաբնակիւթեան աճման զիմաց ինչ նոր ֆակտորներ են հանգէս ելնում նորա ազդեցութիւնը ամօքելու և կամ չեզոքացնելու համար: Մի մոռացէք և այն, տիկիւններ և պարոններ, որ այն տեսակ գիւտեր, որոնք, որպէս շողին և երկաթուղիները, կարող են առժամանակ մրցել այլ երեւոյթների բնական ընթացքի դէմ, որպիսիներէն է ազգաբնակիւթեան աճումը, սակաւ են հնարվում. իսկ մի անգամ հնարուած, գտած և գործի դրած, նոքա փոխում են հասարակաց յարաբերութիւնները միայն առժամանակ:

Ռիկարդօի թէօրէն մեզ բացատրում է շատ նշանաւոր հասարակաց երևոյթներ: Բննորը մի օգուտ լինելով հողի սեպհականատիրոջ համար, մի օգուտ, որը ստացվում է ոչ թէ աշխատանքով, այլ միայն նպաստաւոր հանգամանքների պատճառով, հասկանալի է, որ ընտրելի կարող գոյանալ մի ազգի դեռ ստոր աստիճանի առաջադիմութեան ժամանակ: Արքան հողի պակասութիւն է զգացվում, նոյնքան բերքերը թանկ են, նոյնքան և ընտրելի բարձր է լաւ հողերի տէրերի համար. իսկ հողի պակասութիւն զգացվում է միայն երբ ազգաբնակիւթիւնը մի երկրում խտանում է. իսկ ազգաբնակիւթեան խտութեան աստիճանը, որպէս նախորդ դասախօսութեան մէջ տեսանք, աճումից է կախուած, աճում, որը այնքան հաւասարաչափ և շարունակ ու անընդհատ է լինում, որքան մի երկրում քաղաքակրթութիւնը բարձր է:

Բննորը կարող է գոյանալ միայն, երբ հողերը անհատական սեփականութիւն են կազմում, և ընտրելի միայն սեպհականատիրոջն է պատկանում: Գորա մէջ դժուար չէ համոզուել: Մի երկիր ունէ ընդամենը, զիցուք, 100 գեսետին հող, որոնցից յիսուն գեսետին, հարիւր բուբլի ծախքով, տալիս են 200 փութ ցորեն, միւս յիսուն գեսետինը, նմանապէս հարիւր բուբլի ծախքով, տալիս են միայն 150 փութ: Եթէ առաջի յիսունը մի մարդու սեփականութիւն է, միւս յիսուն գեսետինը՝ մի այլ մարդու սեպհականութիւն, այն ժամանակ առաջի հողատիրոջ կ'նստի փութը 50 կոպէկ, միւս հողատիրոջ՝ 66 կոպէկ և որովհետև ցորենի գինը որոշվում է աւելի ստոր հողերից ստացած ցորենի նստուածքով (աւելցնելով դորա վերայ ի հարկէ և երկրի սովորական փողի տօկօսը և վարձատրութիւնը, որը պարզութեան համար մենք անտես ենք առնում, քանի որ այդ վարձատրութիւնը երկու հո-

դատէրերի համար ևս նոյնն է), ուստի առաջի հոդատէրը կ'ստանայ 16 կոպէկ ընտ ամեն փութից և կամ 32 ըուբլի իւր փսուն զեսեատինի համար: Ենթագրեցէք այժմ, որ այն 100 զեսեատին հողը երկու մարդու չեն պատկանում, այլ միայն մի անձի (կամ տէրութեան, կամ մի համայնքին). այդ դէպքում մի փութ ցորենի նստուածքը կ'լինի ոչ թէ 66 կոպէկ, այլ միայն 200 ըուբլի բաժանած 350-ի վերայ (200 փութ և 150 փութ), որ կ'սինէ մօտ 57 կոպէկ: Չհաշուելով այն, ինչ ցորենատէրը պիտի ստանայ, որպէս իւր գործադրած կապիտալի, գումարի տօկօս և իւր աշխատանքի վարձատրութիւն, առաջի դէպքում ցորենի գինը կ'լինէր, որպէս տեսանք, 66 կոպէկ, որի պատճառով լաւագոյն հողի տէրը կ'ստանար փութին 16 կոպէկ ընտ, իսկ երկրորդ դէպքում, բոլոր հողը մէկին պատկանելով և ցորենի գինը որոշուելով ընդհանուր նստուածքի համեմատ, ցորենի մի փութի գինը կ'լինէր միայն 57 կոպէկ և այդ սեպհականատէրը չէր ստանայ ոչ մի ընտ, այս բառի վերը բացատրած նշանակութեամբ: Ահա ինչու ես ասացի վերը, որ ընտը կարող է գոյանալ միայն, երբ մի երկրի հողերը, որպէս այժմ ամբողջ Եւրոպայում, անհատական ձեռքերի մէջ են: Ահա ինչու ընտը հողային սեպհականութեան հարց է, ահա ինչու նա, նոյն իսկ այդ պատճառով, հասարակական հարց է:

Մի ազգի կեանքի սկզբնական շրջաններում, եթէ հողը անհատական սեպհականութիւն էլ լինի, ընտ չէ լինում, որովհետեւ բնակիչների նուազ խտութեան պատճառով, բոլոր երկրորդակարգ և երրորդակարգ հողերը գեռանմշակ դրութեան մէջ են լինում: Բնտը գոյանում է միայն ուշ, մի ազգի արդէն զարգացած գարեշրջաններում: Ահա ինչու նոյն իսկ այն ժամանակներում, որպէս

այժմ մանաւանդ եւրոպական ամենաքաղաքակիրթ երկիրներում, երբ և ուր պէտք էր կարծել, թէ կեանքի, գոյութեան համար կուրը ամենից սաստիկ պիտի լինի, ուր ամեն բան միայն աշխատանքով պիտի որ ձեռք բերուէր, նոյն իսկ այդ դարերում և երկիրներում հողատէրերից շատերը, ընտի գոյութեան պատճառով, կարողանում են առանց աշխատանքի օգուտ ստանալ, իրենց հողերը ուրիշներին կապալով տալով:

Ասածս պարզելու համար, բերեմ մի օրինակ: Ահա ձեզ մի երկիր, որտեղ, պարզութեան համար ասենք, միայն երեք տեսակի հողեր կան՝ առաջին, երկրորդ և երրորդ կարգի և բոլորն էլ մշակվում են: Երրորդ կարգը տալիս է ցորեն 80 կոպէկով, երկրորդը 60, երրորդը 50 կոպէկով: Երկրի սովորական աշխատանքի վարձատրութիւնը ենթադրենք 10 պրօցենտ. նշանակում է, թէ 80 կոպէկ, այսինքն ամենաթանկ նստած ցորենի ծախու գինը կ'լինի 88 կոպէկ: Այժմ հարցվում է, թէ արդեօք այդ երրորդ կարգի հողերի տէրերը կարող են նոցա կապալով տալ այն գիտմամբ, որ իրանք ևս շահուեն ? Այ՛ որովհետեւ այդ հողերից ստացած սովորական օգուտը միայն 10% լինելով, այդ վաստակը հազիւ կարող է կապալառուին բաւականացնել: Կապալառուն պէտք է սովորական օգուտից զրկուի, եթէ իւր օգուտից սեպհականատիրոջ ևս մաս տայ: Ստոր հողերի տէրերը ուրեմն իրենց հողերը կապալով չեն տայ, այլ իրանք կ'աշխատեն իրենց հողերի վերայ և նոցանից 10% օգուտ կ'ստանան: Այլ է հանգամանքը երկրորդ և առաջին կարգի հողատէրերի համար: Վատ հողերը որոշում են ցորենի գինը, ուրեմն բոլորի համար էլ ցորենի ծախու գինը 88 կոպէկ է: Երկրորդներին նստում է ցորենը միայն 60 կոպէկ, նշանակում է նոքա կ'ունենան զուտ օգուտ 28 կոպէկ, եթէ

իրանք իրենց հողերը մշակեն: Բայց այդպիսի հողատէրերը շատ լաւ կարող են գիմել մի կապալառուին և ասել նորան. մշակիր, վարիր իմ հողը. ցորենի փութը քեզ կ'նստի 60 կոպէկ, իսկ կ'ծախես 88 կոպէկով. այդ օգուտից 10%, ուրեմն 8 կոպէկ քեզ, 20 կոպէկ ինձ, որպէս ընտ: Ինչ ասել կ'ուզէ, որ առաջնակարգ հողերի տէրերը ևս առաւել կարող են իրենց հողերը կապալով տալ և միայն ընտով ապրել:

Բայց արդեօք մի և նոյն երկրում մշակվող հողերի յատկութիւնները այն աստիճանի իրարից տարբեր են, որ կարողանան մեծ ընտ զոյացնել լաւագոյն հողերի տէրերի համար: Պատասխանը մենք կարող ենք գտնել միայն այն հետազոտութիւնների մէջ, որոնք արուած են այս դարուայ ընթացքում այլ և այլ երկիրներում հողերի յատկութիւնները որոշելու համար: Այդ տեսակ հետազոտութիւններ արուած են Յւրոպայի զանազան երկիրներում, որպէս զի ըստ այնմ հողերի վերայ նոցա բերութեան համեմատ հարկեր դնուեն: Այդ հետազոտութիւններից են կ'հաղորդեմ Ձեզ միայն մի քանի ընդհանուր եզրակացութիւններ մեզնից այժմ քննուող հարցի մասին մի զաղափար տալու համար: Փօն Ֆլօտով, իւր մի գրուածքի մէջ, տպած 1820 թուին, ընդունում է մի շեֆֆել \*) ցորենի նստուածքը, այսինքը նորա արտագրելու համար արած միսխը, առաջի կարգի հողերի համար հազիւ մի և կէս թալեր, ուստաց փողով ուրեմն համարեա ուղիղ մէկ և կէս բուբլի արծաթ, իսկ տասներորդ կարգի հողերի համար՝ 3 բուբլի արծաթ: Մարկարդի ասելով, Հաննօվերի նախկին թագաւորութեան մէջ բոլոր վարելահողերի և այգիների

\*) Շեֆֆել գերմանական չափս է և հաւասար է 50 լիտրի:

հողերի 60 պրօցենտը բերում են ցանածից միայն 2-ից մինչ 4 անգամ աւելին, 35 պրօցենտը 5—8 անգամ աւելի, 4<sup>1</sup>/<sub>2</sub> պրօցենտը այն հողերի բերում են ցանքից 9 մինչ 12 անգամ աւելի:—Պրուսիայում 1862 թուականին նշանակուած էր մի մասնաժողով հողերի զուտ արդիւնքները որոշելու համար: Այդ մասնաժողովից ընդունուած թուանըշանների համեմատ վարելահողերի զուտ արդիւնքների արժողութիւնը տարբերվում է 3-ից մինչ 420 զիլբերգրօշ մի մօրգեն հողի համար, մարգագետինների նկատմամբ՝ 6-ից մինչ 420, արօտատեղերի նկատմամբ՝ 1-ից մինչ 360:—Անգլիայում 1821 թուի պարլամենտական հետազոտութիւններից յայտնի եղաւ, որ ամենալաւ հողերը տալիս էին 32—40, ամենավատերը՝ միայն 8—12 բուշել \*) ցորեն մի ակր հողի վրայ:

Այդ մի քանի թուերով Գուք կարող էք, տիկիներ և պարոններ, համոզուել, որ մշակուող հողերի յատկութիւնները միևնոյն երկրում բաւականաչափ իրարից տարբեր են, որպէս զի լաւ հողերի տէրերի համար ընտը նըշանաւոր կարողանայ լինել: Ի հարկէ, մեր վերը բերած թուանշաններից մեծագոյն մասը այնպիսիք են, որ նոցանից դժուար է ընտի մեծութիւնը որոշել: Օրինակ, մենք իմացանք այս բոպէին, որ Անգլիայում 1821 թուին ամենալաւ հողերը հինգ անգամ աւելի էին տալիս, քան ամենավատ հողերը. այդ կ'նշանակէ, թէ, ցորենի զինը միևնոյնը լինելով, միջոցաւ ամենալաւ հողերից ստացվում էր 100 բուբլու արդիւնք, ամենավատերից ստացվում էր միայն 20 բուբլու արդիւնք: Միթէ դորանից իսկոյն պէտք է եզրակացնել, թէ առաջիկաների սեպհականատէ-

\*) Բուշել հաւասար է մի քուարտերն 8-երորդ մասին, որ կ'անէ 36<sup>1</sup>/<sub>4</sub> լիտրից քիչ աւելի:

րերը 70—80% շահվում էին իրենց հողերից ? Այդ այն-  
 Ժամանակ միայն կարող էր լինել, եթէ երկուսի միսխը  
 միլենոյնը եղած լինէր և մէկը դորա փոխարէն ստանար  
 100, միւսը 20: Բայց մենք դեռ ներքև կ'տեսնենք, որ  
 րենտ տուող հողերը պահանջում են մշակութեան համար  
 աւելի մեծ միսխ, աւելի մեծ կապիտալ և որ կապիտալը  
 միայն մի յայտնի աստիճանի կարող է հողի արդիւնքը  
 իրան համեմատ աւելացնել, այնպէս որ այդ աստիճանից  
 վեր՝ կապիտալի ոյժը նուազում է աստիճանաբար. այն-  
 պէս որ, եթէ, օրինակի համար, հողի սեպհականատէրը  
 առաջ 100 բուբլի էր մսխում և հողից 50 պրօցենտ գուտ  
 օգուտ ստանում, կրկնապատկելով մսխած գումարը, թէ-  
 պէտ և հում արդիւնքը աւելանում է, բայց նորա գուտ  
 արդիւնքը իջնում է 50-ից դէպի 40% և այլն:

Գորա մասին, ինչպէս ասացի, ներքև կ'տեսնենք, իսկ  
 այժմ անցնենք այն բանակուռին, որի առարկայ եղաւ երկար  
 ժամանակ Ռիկարդօի ընտրի թէօրէն՝ բանակուռին, որի գրգռող  
 հանգամանքները կրկին և կրկին արգարացնում են նոցա,  
 որոնք գտնում են հատարակական նախապաշարմունքների և  
 հասարակական դասակարգերի մէջ իշխող դասային էգօիզմի,  
 դասային ետականութեան մէջ ամենագլխաւոր պատճառ-  
 ներից մէկը, թէ ինչու հասարակական գիտութիւնները աւելի  
 դանդաղ քայլերով են առաջանում, քան բնական գի-  
 տութիւնները: Քնական է, որ հասարակաց գիտութիւն-  
 ները, որոնց շարքից մանաւանդ քաղաքատնտեսութիւնը  
 իրենց հետադօտութեան առարկան ունենալով հասարա-  
 կական կեանքը, յաճախ ստիպուած են լինում շոշափել  
 այս կամ այն դասակարգի գուցէ և իրաւացի շահերը:

Ռիկարդօի վերայ յարձակուեցին նախ, պնդելով, որ  
 նա իւր թէօրէնով գրգիռ է յարուցանում հոգատէրերի

դէմ: Եւ երևակայեցէք, որ այդպիսի մի մեղադրանք ու-  
 գում էին բարդել նորա վերայ Անգլիայում, ուր աւելի,  
 քան մի որ և է այլ եւրոպական երկրում, հոգատիրու-  
 թեան հետ կապուած էին, որպէս և են այժմ, քաղա-  
 քական մեծ իրաւունքներ: Այդ քաղաքական հայեա-  
 ցակէտիցն էր, որ գրվում էին յօդուածներ Ռիկարդօի  
 ընտրի թէօրէի դէմ Լօնդօնի նշանաւոր տօրիական օրգան  
 Quartelly Review ամսագրի մէջ: Կան առարկութիւն-  
 ներ արած Ռիկարդօի դէմ նաև շատ նշանաւոր գրող-  
 ներից, որպիսիք են ժան-Բատիստ Սէյ, Սիսմոնդի և  
 այլք. բայց նոցա հակաճառութիւնները մասամբ ծնած  
 են Ռիկարդօին լաւ ըմբռնած չլինելուց, իսկ մասամբ  
 նոքա պարունակում են միայն մեղմութիւններ այն մտքերի,  
 որոնք Ռիկարդօի մօտ աւելի բացարձակ, աւելի սուր կեր-  
 պով են արտայայտուած:

Բայց այն քաղաքատնտեսը, որի անունը անբաժան  
 կերպով կապուած է Ռիկարդօի դէմ յարուցած պօլեմիկի  
 հետ, այդ՝ Ամերիկայի ամենանշանաւոր քաղաքատնտես  
 Կարէյն է (Caray-արտասանվում է Քեռի): Կարէյի յար-  
 ձակումները Ռիկարդօի ընտրի թէօրէի դէմ, սակայն, չէին  
 իշխում քաղաքական կուսակցութիւնների առանձնական  
 շահերի հոգսերով, որպէս այդ տեսանք Ռիկարդօի անգ-  
 լիական ժամանակակից հակառակորդների մօտ: Ոչ, Կա-  
 րէյը, ամերիկացի գոյով, նոյն զգացմունքները չէր կա-  
 րող ունենալ, ինչ ունէր անգլիական արիստոկրատական  
 կալուածատէր դասը: Բացի դորանից, Կարէյ ասպարէզ  
 ելաւ միայն քառասնական թուերի վերջերքում և լիսու-  
 նական թուերում, երբ քաղաքատնտեսական զրականու-  
 թիւնը զրեթէ ամբողջապէս նուիրուած էր միջազգային  
 առևտուրի քաղաքականութեան մէջ հետևելու սիստեմ-

ների քննադատութեան: Պէտք է թողնել, որ մի երկրից միւս երկիր սպրանք ուղարկուի առանց մաքսի և կամ գոնէ առանց սպրանքների գները զգալի կերպով թանկացնող մաքսերի, թէ ընդհակառակը, հարկաւոր է նոցա համար ծանր մաքսեր նշանակել, որպէս զի օտար երկիրներից առանց մաքսի բերած սպրանքների աժանութիւնը չկործանի հայրենի երկրի այն գործարանները, որոնք նոյն տեսակ սպրանքներ արտադրում են, միայն թէ աւելի թանկ գնով, — այդ հարցերն են, որոնք զբաղեցնում էին այն ժամանակ քաղաքատնտեսներին և քաղաքական շրջաններին գրեթէ ամբողջ Եւրոպայում և Հիւսիսային Ամերիկայի Միացեալ Նահանգներում: Կարէյ պաշտպանում էր երկրորդ սխտեմը, որը ընդհանրապէս կոչվում է հովանաւորող սխտեմ և որպէս հովանաւորական, որպէս պրօտեկցիօնիստ նա հակառակ էր Ռիկարդօի բենտի թէօրէին: Այստեղ տեղը չէ նորա վերայ խօսել, թէ ինչ կապ կայ Ռիկարդօի բենտի թէօրէի և առևտրի հովանաւորական սխտեմի մէջ, որովհետև այդպիսով մենք կ'ընդունենք մեր այսօրուայ դասախօսութեան առարկայից: Զբաղուենք ուրեմն միայն այն առարկութիւններով, որ բերում է Կարէյ Ռիկարդօի գէմ սորա թէօրէն իբր թէ անհիմն ցոյց տալու համար:

Որպէս Դուք յիշում կ'ըլինէք, տիկիներ և պարոններ, Ռիկարդօն ասում էր, թէ մշակութիւնը սկսվում է լաւ հողերից և յետոյ միայն տարածվում երկրորդակարգ և երրորդակարգ, մի խօսքով վատ հողերի վերայ: Կարէյ պնդում է, որ, ընդհակառակը, մի երկրում մշակութիւնը միշտ սկսվում է և սկսուել է վատ հողերից և յետոյ միայն տարածուել աւելի բերրի հողերի վերայ: Կարէյ ապացուցանում է իւր ասածը նախ տեսականապէս, ասելով, որ

բերրի հողերը ճահճային հողերն են և գետերի ափունքները, որոնք սկզբնապէս անտառաբոյս են լինում: Արդ, ասում է նա, ճահիճները չորացնելու և անտառները յարգելու և նոցա մշակութեան յարմարեցնելու համար հարկաւոր է երկար աշխատանք և կապիտալ: Բացի նորանից, որ այդտեսակ տեղերը բնակութեան համար անառողջ են, մի նոր երկրում զաղթականութիւն հաստատողները սկսում են մշակութիւնը միշտ բարձր դիրք ունեցող տեղերում և թեթև հողերի վերայ և որքան ազգաբնակչութիւնը և հարստութիւնը աւելանում են, նոյնքան էլ տարածվում է մշակութիւնը բարձրութիւնների ստորոտների երկայնութեամբ, որոնք նուազ առ նուազ անտառներից մերկանում են և յետոյ միայն կարելի է լինում անցնել ամենաբերրի հողերի վերայ, որոնք երկրի ցածրութիւնների վրայ են գտանվում:

Այդ նկատողութիւնը Կարէյ արաւ գեռ 1848 թուին իւր մի գրուածքի մէջ «Անցեալը, Ներկան և Ապագան» վերնագրով: Նոյն մտքերը, սոցանից դուրս բերած բոլոր հետեւանքներով, ի նպաստ հովանաւորականին և ընդդէմ միջազգային առևտրի ազատութեան սկզբմունքի, ամենարնդարձակ կերպով պարզեց Կարէյ իւր ամենամեծ շարադրութեան մէջ, որը կրում է «Հասարակական գիտութեան սկզբմունքները» վերնագիրը, հրատարակած 1858 թուին:

Բայց արդեօք որքան մեծ արժէք ունէ Կարէյի առարկութիւնը և հերքվում է սորանով Ռիկարդօի բենտի թէօրէն ? Կարէյ, յայտնելով իւր միտքը մշակութեան աստիճանաբար տարածուելու մասին վատ հողերից դէպի լաւագոյն հողերը, ի նկատի ունէր իւր հայրենիքը՝ Հիւսիսային Ամերիկայի Միացեալ Նահանգները, որը մի անմշակ երկիր էր, երբ եւրոպացի զաղթականները այնտեղ բնա-



կութիւնն հաստատեցին: Եթէ միայն Կարէչի դիտողութիւնները ճիշտ են այդ երկրի վերաբերեալ, նորա թէօրէն անշուշտ առանց նշանակութեան չպիտի լինի արդէն այն պատճառով, որ բոլոր այժմեայ ազգերը գաղթականութիւններ են եղել նոցա այժմեայ բնակած երկիրների համար: Այժմեայ անգլիացիք, ֆրանսիացիք, գերմանացիք, սլաւոն և այլ ազգեր իրենց այժմեայ հայրենիքների սկզբնական ազգերը չեն, այլ նոքա գրաւել են այդ երկիրները համեմատապէս միայն մօտ ժամանակներում: Եւ միթէ մենք հայերս մի այլ երկրի գաղթականներ չենք հայերի մեծամասնութեան այժմեայ հայրենիքում—Հայաստանում—աւելի քան երեք—չորս հազար տարիներէ ի վեր հաստատուած ? Իսկ եթէ այդ այդպէս է, Կարէչի թէօրէն, որ աստիճանի նա միայն ճիշտ է, իհարկէ, ազգերի պատմական կեանքի սկզբնական դարերի իմաստասիրութեան օժանդակիչ մի թէօրէ պիտի համարուի: Զատ կարելի է ուրեմն, որ Ռիկարդօն այդ կէտում սխալուած լինի, շատ կարելի է, ասում եմ, որ Կարէչ իրաւունք ունէ Ռիկարդօի դէմ, ասելով, թէ մի նոր ոտք կոխուած, ուրեմն մշակութիւնից զուրկ մի կոյս երկրում գաղթականները, կապիտալների կատարեալ բացակայութեան պատճառով, գրաւում են նախ երկրի բարձրութիւնները և յետոյ միայն աւելի բերրի հողերը, երկրի ցածրութիւնները, գետերի անտառազարդ հովիտները և այլն: Քայց եթէ այդ իսկ էլ լինի, այդ ցոյց կ'տայ միայն մի բան. այն է, թէ Ռիկարդօի ընտի թէօրէն չէ վերաբերում մարդկային ցեղի որպէս նաև մի ազգի զարգացման սկզբնական դարերին. բայց այդ կ'նշանակէր ոչինչ դիտած չլինել, մտածել, թէ Կարէչի խօսքերը կարող են վերաբերել քաղաքակրթութեան մէջ արդէն յառաջացած ազգերի և կամ նոցա բնակած երկիրների մշակութեան դրութեան: Կարէչ, ասում

է մի նշանաւոր քաղաքատնտես, հազիւ թէ պնդել ուզենայ, որ մի որ և իցէ հին երկրում—Անգլիայում կամ Ֆրանսիայում, օրինակ,—այն հողերը, որոնք այժմ անմշակ են թողած և կամ այս վերջին դարերում անմշակ էին մնացած, աւելի բերրի են, քան մշակուածները. և միթէ ճշմարիտ է, որ Անգլիայում կամ Ֆրանսիայում մշակուած հողերը յարդութիւններից և ձորերից, իսկ մշակուածները բարձրութիւններից են բաղկացած: Իւրաքանչիւր ոք գիտէ, շարունակում է նոյն հեղինակը,—Ջօն Ստիւարտ Միլլը, — որ, ընդհակառակը, այդ բարձրութիւնները և թեթեւ հողերն են, որոնք բնութեանն են թողած և որ, եթէ ազգաբնակչութեան աճումը պահանջում է մշակութեան աւելացնելը, այդ առաջ գնալը կատարվում է ցածրութիւններից դէպի բարձրութիւնները: Մի անգամ մի դարուաչ ընթացքում դուցէ պատահի չորացնել մի Ռեդֆօր Ղեւել և կամ ցամաքացնել մի Հարլեմի լիճ. սակայն դժբաննշան և սակաւ բացառութիւններ են երկրի սովորական ընթացքի մէջ, և բոլոր հին երկիրներում, որոնք քաղաքակրթութեան մէջ առաջ են գնացած, դոցա նման քիչ բան է մնում շինել:

Կարէչ ինքը բերում է, առանց այդ զգալու, ամենամեծ վկայութիւնը ինպատ այն օրէնքի, որի դէմ նա մարտնչում է. որովհետև նա ինքը ամենաուժեղ կերպով աշխատում է այս իրողութիւնը ապացուցել, թէ յառաջադիմութեան մէջ գտնուող համայնքներում, երկիրներում հողի արդիւնքների գները ձգտում ունեն բարձրանալու: Քայց քաղաքատնտեսութեան մէջ այդ մի հաստատուած բան է, որ, ընդհանուր առմամբ, գները կարող են բարձրանալ միայն՝ երբ արտադրութեան նստուածքը, արտադրութեան ծախքերը բարձրանում են. եթէ Կարէչի թէօրէնն ճիշդ լինէր, եթէ իսկ լինէր, ասում ենք, որ հողի

մշակութեան ընդարձակուելը կատարվում է վատերից դէպի աւելի բերրի հողերը, հողի բերքերի արտադրութիւնը պէտք է, ընդհակառակը, միշտ աւելի աժան նստէր: Կարէջն այստեղ ուրեմն ակնյայտնի կերպով իրան հակասում է:

Ներկայացնելով Ձեզ Ռիկարդօի հողային ընտրի թէօրէն, տիկիները և պարոնները, ես աշխատեցի, գլխաւոր միտքը պարզելու համար, չբարդել հարցը, լիշելով ընտրի գոյանալու հետ միասին կատարուող մի այլ երևոյթ, որը, սակայն և շատ կարևոր է և առանձին բացատրութիւնների կարօտ: Բնետը գոյանում է, որպէս Գուք գիտէք, միայն այն պատճառով, որ, ազգաբնակութեան աճումը ստիպում է մեզ երկրագործութիւնը ընդարձակել և նուազ առ նուազ երկրի մէջ գտնուած ստոր յատկութեան հողերը մշակութեան շրջանակի մէջ առնել: Բայց այստեղ մի նրբութիւն կայ գիտելու, որովհետև իրօք ազգաբնակութեան աճման «մեթոդ» հետեւեալ այն չէ լինում, որ երկրագործութիւնը ընդարձակվում է աւելի ստոր հողերի վերայ և կամ գոնէ ոչ միշտ. և կամ, աւելի լաւն ասած, ազգաբնակութեան աճումը ոչ միայն ընդարձակել է տալիս երկրագործութիւնը, այլ գորա հետ միասին ազգում է երկրագործութեան, հողի մշակութեան եղանակների վերայ, առիթ տալով լաւագոյն հողերի տէրերին աւելի մեծ ջանքով, աւելի մեծ կապիտալով մշակել իրենց հողերը: Ես կ'իմպրեսմ Ձեզ այդ միտքը լաւ ըմբռնել: Ասածս սա է. եթէ ես, մի ընդարձակ և լաւ հողի տէր լինելով, մինչ այժմ մտնում էի նորա վերայ տարեկան տասը հազար ռուբլի և ստանում էի դիցուք չիսուն հազար փութ ցորեն, քսան և հինգ տարուց յետ, երբ ազգաբնակութիւնը բաւականի կ'աճէ, երբ ուրեմն աւելի պահանջ կ'լինի ցորենի համար, ես այն ժամանակ շահաւէտ կ'գտնեմ նոյն հողի

վերայ փոխանակ 10,000 ռուբլու՝ 15,000 ռուբլի մտնել և գորա համեմատ հողիս արդիւնքը շատացնել, ստանալով ոչ թէ չիսուն, այլ գուցէ վաթսուն, եօթանասուն կամ հարիւր հազար փութ ցորեն: Ուրեմն արդէն բռնուած հողերի աւելի լաւ մշակութիւնը կարող է բաւակաճնութիւն տալ ազգաբնակութեան աճած պիտոյքներին, և հարկաւորութիւն չկայ, ազգաբնակութեան աճելուն պէս, իսկոյն դիմել աւելի ստոր յատկութեան հողերին: Արդ, հարցը նորանումն է, թէ այդ ինչպէս է պատահում, որ բոլոր հին, յառաջացած և բազմամարդ երկիրներում, չը նայած վերը լիշած հանգամանքին, ստոր յատկութեան հողերը բռնուում են, մշակվում են:

Գորա պատճառը այն է, որ հողի արտադրական ոյժը մի սահման ունէ, որից դէն, կրկնապատկելով Ձեր ջանքը և կապիտալը, հողը Ձեզ երկու անգամ աւելի արդիւնք չի տալ, մինչև որ նոյն իսկ մշակութեան ամբողջ «հիւսիս» չգիտնէք: Արտել այդ սահմանը անկարելի է, բայց թէ նա կայ, նա գոյութիւն ունէ, այդ բոլորովին անկասկածելի է: Եւ այսպէս, մի հող, որի վերայ 1000 ռուբլի ծախք է անվում և 3000 փութ ցորեն է տալիս, կրկնապատիկ աւելի, ուրեմն 2000 ռուբլի ծախքով շատ կարելի է, որ տայ կրկնապատիկ աւելի արդիւնք, ուրեմն 6000 փութ և գուցէ մինչև անգամ աւելի: Փորձը բազմիցս անգամ ցոյց է տուել, որ այդ կարելի է և լինում է: Բայց եթէ մի անգամ, ծախքը կրկնապատկելով, կրկնակի արդիւնք կարելի է ստանալ, այդ դեռ չէ նշանակում, թէ մշակութեան ծախքը կրկին կրկնապատկելով և նորան 4000 ռուբլու հասցնելով, Գուք կ'ստանաք կրկնակի աւելի, ուրեմն 12,000 փութ, յետոյ 24,000, 48,000 փութ արդիւնք և այլն: Հողը այդ կէտում շատ է զանազանվում գործարաններից, ուր կապիտալը աւելի արդիւնաւոր է ցոյց տալիս իրան:

Կրկնապատկեցէք Ձեր գործադրած կապիտալը մի գործարանում և, աշխատելով նոյն սխտեմով, որպէս այժմ, Գուք կարող էք հաշուել, որ Ձեր արդիւնքը միշտ կ'կրկնանապատկուի. իհարկէ, եթէ միայն Գուք այդ աւելցրած կապիտալով կ'ընդարձակէք գործարանը, աւելցնելով ջուլհակի հարիւր տորքի վրայ հարիւր նոր տորքեր, հարիւր մանուր իլիկների վրայ հարիւր նոր իլիկներ և կամ եթէ թույլ շարժուող մեքենաների տեղ Գուք կ'դնէք աւելի զօրեղ մեքենաներ և այլն: Ի հարկէ, հողի արդիւնութիւնը միշտ կարելի է աւելցնել, բայց, ես կրկնում եմ, մի յայտնի սահմանից դուրս, հողի արդիւնքի աւելանալը աւելի քիչ չափով է կատարվում, քան ծախքերի աւելանալը: Խօսենք թուանշաններով, որովհետև դոցանով մենք մեր ասելիքը աւելի ղիւրմբունելի կերպով արտայայտած կ'լինենք:

Վերցնենք, օրինակի համար, նոյն հողը, որը, 1000 ըրբի ծախքով, 3000 փութ ցորեն էր տալիս և ենթացողընք ցորենի փութը 50 կոպէկ. նշանակում է, հողի արդիւնքի գինը 1500 ըրբի լինելով, զուտ արդիւնք կ'լինի 500 ըրբի: Կրկնապատկենք մտխելու զումարը և ենթացողընք, որ այս անգամ արդիւնքը ևս կրկնապատկուեց. մենք կ'մտխենք ուրեմն 2000 ըրբի և կ'ստանանք 6000 փութ 3000 ըրբուլու արժողութեամբ և կամ 1000 ըրբուլու զուտ արդիւնք: Գիցուք այն սահմանը, որից դէն հողը այլևս կապիտալի համեմատ արդիւնք չէ տալիս, հենց այդտեղից է սկսում: Ինչ հետևանք է բղխում այդ հանգամանքից ? Այն, որ այսուհետև հողը կ'սկսի աւելի քիչ զուտ արդիւնք տալ: Մենք կրկնապատկում ենք մեր ծախքը՝ 4000 ըրբի շինելով մեր գործադրած կապիտալը, բայց արդիւնքը, փոխանակ 12,000 փութ և կամ

6000 ըրբի ներկայացնելու, ներկայացնում է միայն, դիցուք, 10,000 փութ և կամ 5000 ըրբի. զուտ արդիւնք կ'ստացուի միայն 1000 ըրբի, այսինքն նոյնքան, որքան մենք առաջ ոչ թէ չորս, այլ միայն երկու հազար ըրբիով էինք ստանում: Մենք շարունակում ենք մեր գործադրելի կապիտալը աւելցնել և, փոխանակ 4000 ըրբուլու, 8000 ըրբի ենք մտխում նոյն հողի վերայ: Անցեալ անգամ արդիւնքը աւելացաւ փոխանակ երկու անգամի, միայն  $1\frac{2}{3}$  անգամով, այժմ այդքանով էլ չէ աւելանում, այլ նա աւելանում է միայն  $1\frac{1}{5}$  անգամով և ներկայացնում է միայն 12,000 փութ և կամ 6000 ըրբի. այս հանգամանքում հողատէրը ոչ միայն զուտ օգուտ չէ ըստանում, այլ, ընդհակառակը, նա երկու հազար ըրբուլու վնաս է կրում: Այդ արդէն ամենադրական նշան է, որ հողատէրը մինչ ութ հազար ըրբուլու ծախքի չի գնալ, այլ կ'մտխէ ամենաշատը 4000 ըրբի, բաւականանալով տասը հազար փութ հում արդիւնքով, որը նորան, որպէս վերը տեսանք, կ'տայ հազար ըրբի զուտ օգուտ:

Ներկայացնենք վերոյիշեալ թուանշանները մի ցուցակի մէջ. այն առէն մենք կ'տեսնենք, որ՝

Ծախք	հում արդիւնք	արժողութիւն	զուտ արդիւնք
1000 ը.	3000 փ.	1500 ը.	500 ը.
2000 ը.	6000 փ.	3000 ը.	1000 ը.
4000 ը.	10000 փ.	5000 ը.	1000 ը.
8000 ը.	12000 փ.	6000 ը.	2000 ը.

վնաս:

Աւելի մեծ կապիտալով մենք, ուրեմն, միշտ կարող ենք հողի արդիւնքը աւելացնել, քանի որ այդ արդիւնքը մենք երեք հազարից տասներկու հազար դարձրինք, դա՛ հողի արդիւնքի արսօլուտ մեծութիւնն է. բայց եթէ ստացած արդիւնքը համեմատելու լինենք արած ծախքերի հետ, մենք կ'տեսնենք, որ մտխած կապիտալը աւել

լացաւ ութ անգամ, իսկ արդիւնքը՝ միայն չորս անգամ: Հողի արդիւնքը ուրեմն համեմատապէս ոչ թէ աւելացաւ, այլ նուազեց: Ահա ինչու ընդունուած է ասել, թէ Հողի արդիւնքը գնալով նուազում է և ահա ինչ է հասկացվում քաղաքատնտեսութեան մէջ հողային արտադրութեան նուազման օրէնքի խօսքով:

Ինչու Հողի արտադրութիւնը կապիտալի համապատասխան չէ աւելանում, այդ բնագիտական հարց է, որովհետեւ կապիտալ ասելով, մենք հասկանում ենք այս զեպուածում այն բոլոր բնական ոյժերը, որոնք սնունդ են տալիս բոյսերին: Եւ եթէ Հողային արտադրութեան նուազման օրէնքը վերի օրինակներով արդէն պարզած ենք համարում, գուցէ Ձեզ ևս աւելորդ չթուի գէթ անցնելով միայն լիշել այն զիտողութիւնը, որը այս հարցի նկատմամբ արած է գերմանական քաղաքատնտես ֆօն Թիւնէն իւր «Արդիացած Տէրութիւն» նշանաւոր գրուածքի մէջ: Փօն Թիւնէնը հաշվում է, որ, եթէ մի վարելահողի վրայ աիւելու լինենք  $\frac{1}{2}$  ցօլ (մօտ  $\frac{1}{10}$  վերշօկ) տիղմ, արդիւնքը կ'աւելանայ  $\frac{1}{2}$  ցօրենահատիկով, բայց երկրորդ կէս ցօլը արդիւնքը ոչ թէ կէս, այլ միայն երեք ութերորդ ցօրենով կ'աւելցնի, երրորդ կէս ցօլ տիղմը՝ միայն մի քառորդով և այլն: — Մի այլ գրող զիտել է Սաքսոնիայի համար, որ մի միջակ հող, մշակուած ամենասքանչելի, խելացի և հարուստ կերպով, կարող է մի ակրին տալ 60 թալեր հում և 14 թալեր, ուրեմն քիչ աւելի քան 23<sup>0</sup>/<sub>10</sub> գուտ արդիւնք. մինչդեռ միևնոյն տեսակ հողը, մշակուած սովորական կերպով, կարող է տալ միայն 20 թալեր հում, բայց  $7\frac{1}{2}$  թալեր կամ մօտ 38<sup>0</sup>/<sub>10</sub> գուտ արդիւնք:

Անշուշտ Գուք լիշում կ'լինէք, որ հողային արտա-

դրութեան օրէնքը մեկնելով, ես ի մտի ունէի ցոյց տալ, թէ ինչու անհրաժեշտութիւն կայ ժամանակով մի երկրի վատ հողերը ևս մշակել, չնայելով, որ վատ հողերի մշակութիւնը թանկ է նստում: Եթէ Հողի արտադրութիւնը գնալով նուազում է, ևս առաւել մեծ չափսով նուազում է նորա գուտ արդիւնքը. այդ մենք տեսանք վերը. իսկ նուազած, չափաւոր գուտ արդիւնքով ձեռնտու կարող է լինել նաև վատ հողերի մշակութիւնը: Բայց այս մեկնութիւնը դեռ կատարեալ ճիշտ չէ, որովհետեւ եթէ Հողի գուտ արդիւնքը, մեր վերև բերած ցուցակի համեմատ ներկայացնում էր ծախսած կապիտալի սկզբում 50<sup>0</sup>/<sub>10</sub>, յետոյ միայն 25<sup>0</sup>/<sub>10</sub>, այդ նորանից է, որ մենք երկու հանգամանքներում ևս արդիւնքի գները հաւասար ենթադրեցինք: Այդ մի անճշտութիւն էր, բայց մի անճշտութիւն, որը ոչնչով չէ կարող փոփոխել մեր ասածները վերաբերեալ Հողի արտադրութեան նուազման, քանի որ մեր խօսքը այնտեղ ոչ միայն գուտ օգուտի, այլ և հում արդիւնքի քանակութեան վերայ էր: Խսկապէս, երբ հողատէրերի ընդհանրութիւնը, տեսնելով պահանջի աճումը, վճռում է աւելի մեծ կապիտալ գործ դնել հողերի վերայ, իսկ հողը, չնայած դուրան, նոյն չափ աւել արդիւնք չէ տալիս, հողի բերքերի գները բարձրանում են և ոչ թէ մնում նոյնը, ինչ նուքա առաջ էին: Առանց գների բարձրանալուն հողատէրերը երբէք չէին համամաձայնուել շարունակ կերպով աւելացնելու հողի վրայ մտնելու կապիտալը:

Բայց հենց որ գները կ'բարձրանան մինչ մի աստիճանի, ուր աւելի ստոր յատկութեան հողերի մշակութիւնը շատ թէ քիչ ձեռնտու կ'լինի, այդ հողերը իսկոյն կ'սկրսուեն մշակուել:

Եւ իսկապէս ենթադրենք, թէ այն հողերը, որոնց

մշակելը այսօր ձեռնտու չէ, կարող են ցորեն տալ ոչ պակաս քան 65 կոպէկ նստուածքով փութը. իսկ ձեռնտու չէ այն պատճառով, որ մինչ այժմ մշակուող, ուրեմն լաւ հողերը նստեցնում են ցորենի փութը, ենթադրենք, միայն 50 կոպէկ: Մեր վերը ասածներին համեմատ տեսնենք, թէ երբ կ'սկսուեն մշակուել փութը 65 կոպէկ նստեցնող հողերը, ընդունելով, որ լաւ հողերի համար մինչ այժմ հաշիւը հետեւեալ կերպով էր ներկայանում՝

Կապիտալ հում արդիւնք զինը բոլորը օգուտ և կամ % -ով:  
 1000 ռ. 3000 փութ 50 կ. 1500 ռ. 500 ռ. 50%

Փամանակով գործադրելի կապիտալը կիսով աւելացվում է, իսկ հում արդիւնքը աւելանում է միայն մի երրորդով. ցորենի զինը բարձրանում է փութին հինգ կոպէկով. հետեւապէս հաշիւը փոխվում է այսպէս՝

Կապիտալ հում արդիւնք զինը բոլորը օգուտ և կամ % -ով:  
 1500 ռ. 4000 փութ 55 կ. 2200 ռ. 700 ռ. 46 1/2%

Փամանակով կապիտալը կրկին կիսով աւելանում է, իսկ հում արդիւնքը աւելանում է միայն մի քառորդով, ցորենի զինը բարձրանում է կրկին հինգ կոպէկով, ուրեմն՝

Կապիտալ հում արդիւնք զինը բոլորը օգուտ և կամ % -ով:  
 2250 ռ. 5000 փութ 60 կ. 3000 ռ. 750 ռ. 33%

Փամանակով կապիտալը կրկին կիսով աւելանում է, իսկ հում արդիւնքը միայն մի հինգ երրորդով, զինը բարձրանում է կրկին 5 կոպէկով, ուրեմն՝

Կապիտալ հում արդիւնք զինը բոլորը օգուտ և կամ % -ով:  
 3375 ռ. 6000 փութ 65 կ. 3900 ռ. 525 ռ. 15%

Հողատիրոջ գուտ արդիւնքը, չնայած բազմապատկած ծախքերին, ոչ միայն համեմատապէս չաւելացաւ, այլ և արթուրուտ կերպով պակտեց, իջնելով 750 բուբուց գէպի 525 բուբուի: Ահնայատ է, որ ցորենի զինը չի կարող կանգնել 65 կոպէկի վրայ, այլ անպատճառ պէտք է բարձրանայ 65-ից վեր. իսկ այդ դիպուածում փութը 65 կոպէկ նըս-

տեցնող հողերը կարող են տալ արդէն մի մասնաւոր օգուտ նոցա մշակողներին:

Քայց միթէ իսկապէս կարելի է, որ, վատ հողերը մշակելու համար, սպասուի մինչ այն ժամանակը, երբ լաւագոյն հողերը այլ ևս անկարող կ'լինեն իրենց սեպհականատէրերին բաւականաչափ գուտ օգուտներ տալ: Տարակույս չկայ, որ պատասխանը պիտի բացասական լինի մանաւանդ այն դարեշրջանների համար, երբ մի ազգ իւր ամենամեծ աճելութեան մէջ է գտանվում, իսկ միւս կողմից, երբ լաւագոյն հողերի արտադրութիւնը կրկնապատկելու համար այլ ևս կապիտալի ոյժը մերժում է: Եւրոպայի շատ տէրութիւններ, կարող եմ ասել, այդ դրութեան մէջ են, մանաւանդ Անգլիան: Այս վերջին երկրի երկրագործութիւնը պահպանվում է գրեթէ միայն կապիտալի, որ նոյն է, թէ կատարելագործութեան ոյժով. նորա հողը տալիս է շատ աւելի, քան այլ երկիրներ նոյն տարածութեան հողի վերայ, այնպէս որ սպասել, թէ մի վաթսուս տարում Անգլիայի մի դեսետտին հողը պիտի տայ երկու անգամ աւելի, քան նա այժմ տալիս է, կ'լինէր անխելացի յոյսեր կապել: Քայց թէ Անգլիայի ազգաբնակութիւնը նոյն վաթսուս կամ քիչ աւելի կամ պակաս տարիների ընթացքում պիտի կրկնապատկուի, — այդ բանի համար մենք ոչ միայն յոյս աւնենք, այլ և համոզուած սպասում ենք նորան: Եւ ինչ է լինում այդ յարաբերութեան հետեւանքը? Այն, որ հողի արդիւնքների գները շատ աւելի արագ են բարձրանում, քան այնքան, որքան մենք վերի հաշիւներում ընդունեցինք: Իսկ դոցանից օգտուողները լաւագոյն հողերի տէրերն են լինում, ստանալով այն բնատը, որի մասին մենք առաջ խօսում էինք Ռիկարդօի բնտի թէօրէն բացատրելու ժամանակ:

Գուք այժմ, տիկիներ և պարոններ, Համոզուած էք, որ նոյն իսկ բնութեան մէջ կան Հանգամանքեր, որոնք մղում են Հողի արդիւնքների գները դէպի վեր. այդ այն Հանգամանքներն են, որոնք կազմում են Հողալին արտադրութեան նուազման մեզ այժմ արդէն ծանօթ օրէնքի հիմքը: Բայց ինչ, միթէ՞ դորանով արդէն ասուած է, թէ Հողի արդիւնքների գները միշտ և շարունակ պիտի բարձրանան? Այդպէս պիտի լինէր, եթէ այդ օրէնքը միակ իշխող գորութիւնը լինէր երկրագործական արդիւնաբերութեան մէջ: Բայց այդ այդպէս չէ, որովհետեւ այդ օրէնքը իւր դիմաց ունէ մի ոյժ, որը նորա Հակառակ ազդեցութիւնը ունէ գների վերայ, մղելով սոցա դէպի վայր: Այդ ոյժը՝ քաղաքակրթութիւնն է, այդ խօսքի ամենարեղարձակ մտքով, բայց մասնաւորապէս երկրագործական յառաջադիմութիւնը և տեխնիկական գիւտերը, որոնց միջոցով երբեմն երկար տարիների համար կարելի է լինում Համեմատապէս քիչ զոհաբերութեամբ երկրագործական արդիւնաբերութիւնը աւելի մեծացնել, քան նոյն ժամամիջոցում ազգաբնակիւթիւնը աճել կարող է: Օրինակ վերցնենք Ֆրանսիան: Յորենի գների ցուցակներից երեւում է, որ 1797 թուականից մինչ 1847 թուականը, ուրեմն ամբողջ լիսուն տարիների ընթացքում, ցորենի տասնեկան տարիների միջին գները ամենեւին չեն բարձրացել: Ինչու? որովհետեւ այդ ժամամիջոցում երկրագործութիւնը աւելի մեծ յառաջադիմութեան մէջ էր, քան ազգաբնակիւթեան թիւը: Հիպպոլիտ Պաստի, սրբ մի շատ յայտնի ֆրանսիացի քաղաքատնտես է և որը մասնաւանդ երկրագործութեան մասին գեղեցիկ հետազօտութիւններ ունէ արած, իւր մի գրուածքի մէջ լիշում է կալուածներ, որոնք ներկայ դարուայ սկիզբներում Հազիւ 12 հեկտոլիտը և կամ մօտ 6 չետվերտ ցորեն էին տալիս, իսկ քառասնական

թուականներին նոքա տալիս էին 20 հեկտոլիտը և կամ մօտ 10 չետվերտ: Ժամանակուայ գների համեմատ այդ մի աւելի արդիւնք էր 170 ֆրանկի, մինչդեռ, ասում է Պաստին, ծախքը աւելացել էր միայն 70 ֆրանկով: Անգլիայի համար կարելի է դեռ աւելին անգամ պնդել. Միլլը, խօսելով լիսուն թուականների սկզբում, ասում է. «այս վերջի տասն և հինգ կամ քսան տարիներում Հողի մշակութեան կատարելագործած եղանակները այնքան արագ են տարածուել Անգլիայում, որ Հողը մինչև անգամ աւելի մեծ արդիւնք է տալիս Համեմատութեամբ նորա վերայ գործադրած աշխատութեան. ցորենի գները, միջին Հաշուով, անկասկած աւելի ցածրացել են»:

Ես կարող կ'լինէի Ձեզ անթիւ այլ և նոյնչափ հեղինակաւոր վկայութիւններ բերել ազագուցելու համար, որ, արդարև, երբեմն երկրագործական արդիւնաբերութիւնը նորանոր սիստեմների և գիւտերի պատճառով, աւելի շատ է աւելանում, քան ազգաբնակիւթիւնը: Այդպիսի ժամանակներում բնական է, որ Հողի բերքերի գները կամ չեն շարունակում թանկանալ և կամ, ընդհակառակը, ընկնում են: Ինչ ասել կ'ուզէ, որ այս վերջին դէպքում լաւ Հողերի տէրերի ընտար իջնում է, ընկնում է, նուազում է, չնայած, որ, աժանութեան պատճառով, նուազ բերութեան հողերը այլ ևս դադարում են մշակուել: Մինչ այժմ, դիցուք, երեք տեսակ հողեր էին մշակվում, որոնք Հաւասար տարածութեան վերայ և հաւասար ծախքերով մէկը 100, միւրը 80, երրորդը 60 չետվերտ էին տալիս: Առաջինը ստանում էր ուրեմն 40, երկրորդը 20 չետվերտ ընեստ, իսկ երրորդը, բացի հասարակ օգուտից, ոչինչ ընեստ չէր ստանում: Գիւտերի կամ նոր սիստեմների ազդեցութեամբ թող, որ գները ընկնեն. հասկանալի է, որ 60 չետվերտ

տուող հոգերը այլ ևս ձեռք չի տալ մշակել. այն ժամանակ 80 չետփերտ տուող հոգերը այլ ևս ոչ մի բենտ չեն ստանալ, իսկ 100 չետփերտ տուողները կ'ստանան միայն 20 չետփերտ բենտ, փոխանակ առաջուայ քառասունի: Ինչ մենք ասացինք գիւտերի և մշակութեան կատարելագործած եղանակների մասին, նոյնը կարելի է ասել և բոլոր այն հանգամանքների համար, որոնք նոյն տեսակ են ազգում գների վերայ: Գետնախնձորը, կարտոֆէլը, երբ ընդհանուր գործածութեան առարկայ դառաւ Եւրոպայի մանաւանդ մի քանի երկիրներում, ուր նա բանւոր և չքաւոր դասի համար հացի տեղը տուեց, իջեցրեց ցորենի գները: Գետնախնձորը, որը այժմ և արդէն վաղուց մեծ գործածութիւն է գտնում Գերմանիայում, Անգլիայում, բայց մանաւանդ Իրլանդիայում, գետնախնձորը, ասում եմ, որը շատ հեշտութեամբ և առատ է բուսնում և անհամեմատ աւելի քիչ ծախք է պահանջում, նուազեցրեց ցորենի պահանջը. ուստի այն տարիներում, երբ գետնախնձորը սկսեց արագութեամբ տարածուել, ցորենի գները պէտք է ընկնէին և անձեռնտու դարձնէին ստոր յատկութեան հոգերի մշակութիւնը ցորեն ստանալու համար: Գները պակսելով, բենտը պիտի նուազէր լաւագոյն հոգերի համար, իսկ դորանից — ընդհանուր գանդատ կալուածատէրերի կողմից: Ես լիշեցի գետնախնձորի ներմուծումը, բայց նոյնն է պատահում, երբ երկար տարիներով շարունակ ցորենի առատութիւն է լինում մի երկրում, որը այս կամ այն պատճառով սովորութիւն չունէ աւելորդը այլ երկիրներ արտահանելու:

Բայց պէտք է ասած, որ երկրագործական արդիւնքների գները աժանացնող այդ բոլոր վերը լիշած հանգամանքները միայն ժամանակաւոր կերպով են կարողանում

գիւմարել այն բանին, որ մենք հողի արդիւնաբերութեան նուազման օրէնք անուանեցինք: Գները թանկանալու բուն պատճառը, որպէս տեսանք, ազգաբնակութեան աճումն է մի կողմից և հողի անկարողութիւնը միշտ կրկնապատկել իւր արդիւնքները՝ միւս կողմից: Իսկ սոքա այնպիսի ոյժեր են, այնպիսի հանգամանքներ են, որոնք միշտ գոյութիւն ունեն, ուրեմն սոցա ազգեցութիւնը յարատե է և ոչ միայն ժամանակաւոր, ի հարկէ, եթէ աչքից չկորցնենք այն, որ մեր խօսքը վերաբերում է մի ազգի և հասարակութեան, որի համար ներկայի տեսակէտից գրեթէ յարատե է մի բան, որը տւում է ամբողջ դարեր: Գետեր, երկրագործական մեծ գիւտեր միշտ չեն հնարվում, բայց դորա հակառակ մի ազգաբնակութիւն կարող է դարերով աճել, աճել շարունակ, գրեթէ առանց ընդհատման. այդ մենք տեսանք մեր առաջի դասաստութեան մէջ: Հողի արդիւնքները թանկացնող և հողային բնտր մեծացնող ֆակտորները ուրեմն աւելի ուժեղ են, քան նոցա աժանացնող ֆակտորները: Իսկ եթէ հողերի գները պէտք է ընդհանրապէս բարձրանան — այդ արդէն վերը պարզած հանգամանքների բնական հետեւանքն է: Աւելորդ է ասելն անգամ, որ հողերի գները ամենից շատ այն տեղերում պիտի բարձրանան, ուր ազգաբնակութիւնը ամենից զգալի կերպով աճում է՝ քաղաքներում և մանաւանդ, ի հարկէ, մեծ քաղաքներում և սոցա շրջականերում: Գեռ մօտ երեսուն տարի առաջ մի գետնատին հողը Փարիզի քաղաքային դռների առջև տալիս էր մինչ 275 ֆրանկ տարեկան բենտ, մինչդեռ Փարիզից ոչ շատ հեռու Փօնտեններթօ քաղաքի մօտ նա տալիս էր միայն 30-ից մինչ 70 ֆրանկ:

Թէ արդեօք Գարեի ընթացումն այլ և այլ երկիրներում հողային բենտը ինչպէս է փոփոխուել և որքանով

է նա բարձրացել — դորա մասին մենք կարող ենք միայն մօտաւորապէս խօսել, որովհետև Հողերի Համար ամեն ժամանակ ճիշդ գնահատութիւններ չեն եղած: Մի համեմատութիւն 15-երորդ դարի ներկայ ժամանակների հետ ցոյց է տալիս, ասում է անգլիական քաղաքատնես Բոշերս իւր մի աշխատութեան մէջ քսան տարի առաջ, որ Անգլիայում Հողային ընտար միջին Հողերի Համար փողի հաշուով բարձրացել է ութսունից մինչ հարիւր անգամ, մինչդեռ նոյն ժամանակամիջոցում ցորենի զինը աւելացել է միայն տասերկու, իսկ բանւորի վարձը միայն տասն անգամ. այդ նոյնն է ասել, թէ Հողային ընտար միջին Հողերի Համար աւելացել է 8—10 անգամ: Մի ժամանակակից հեղինակ հաշուում է 17-երորդ դարուայ սկզբի համար 6 միլլիօն ֆունտ ստերլինգի համայն Հողային ընտար թէ վարելահողերի, թէ տների և հանքերի. (մի ֆունտ ստերլինգ հաշուեցէք 6 ռուբլի 25 կոպէկով արծաթ): 1714 թուականին հասցնում էր մի այլ հեղինակ նոյն ընտար 15 միլլիօնի: Արթուր Իւնզը, որը Անգլիայի ամենահեղինակաւոր զիւղատնտեսն էր, խօսելով 1771 թուականին, հաշուում է նոյն ընտար 16 միլլիօնի: 1800 թուականին մի այլ հեղինակ 20 միլլիօնի էր հասցնում նորան, իսկ 1814 թուականին Վեկեֆիլդը որոշում է նորան 20 միլլիօն ֆունտ ստերլինգի. Մակ—Վուլօխի անուանի քաղաքատնտեսը 1838 թուին որոշում է նորան 29½ միլլիօնի: Աւելի մօտ ժամանակների համար մենք ունենք այլ աղբիւրներ: Անգլիայում, աղքատանոցները պահելու համար, մի առանձին հարկ կայ, որ աղքատների հարկ են անուանում և որին ենթարկուած են բոլոր Հողերի տարեկան եկամուտները. դոքա հաշուած էին 1841 թուականին միայն բուն Անգլիայի և Վալիսի համար աւելի քան 32 միլլիօն 600,000 ֆունտ ստերլինգի, իսկ 1864—

65 թուականին Հողերի տարեկան եկամուտը հաշուում էր 46 միլլիօն 700 հազար ֆունտ ստերլինգից քիչ աւելի: Եւ այս բոլոր հաշիւների մէջ բաց են թողուած և ձուլանդիան և Իրլանդիան:

Եթէ պարզութեան համար վերոյիշեալ թուերը ամփոփելու լինենք մի ցուցակի մէջ, մենք կ'ստանանք, որ միմիայն Անգլիայում և սորան կից Վալիսում, բայց առանց ձուլանդիայի և Իրլանդիայի, Անգլիայի ամենահեղինակաւոր տնտեսագէտների հաշիւների համաձայն՝ Հողերի սեպհականատէրերին հասնելի ընտար կօլօլ թուերով մօտաւորապէս այսքան էր՝

1600 թուին	—	—	38 միլլիօն ռուբլի
1714 թուին	—	—	94 —
1771 թուին	—	—	100 —
1814 թուին	—	—	125 —
1838 թուին	—	—	185 —
1841 թուին	—	—	205 —
1865 թուին	—	—	292 միլլիօն ռուբլի:

Եւ շատաւոր եմ աւելցնել, որ ընտար այս բոլոր օրինակներում եկամուտի տեղ է գործածուած և ոչ Քիկարդօի ընտար մտքով: Բայց չէ թէ այն ընտարի մէջ պարունակվում է նաև իսկական, Քիկարդօի մտքի համաձայն ընտար:

Բայց պէտք է և այն ասած, որ տների, երկաթուղիների, հանքերի և այլոց ընտար անհամեմատ աւելի շատ է բարձրացել, քան բուն երկրագործական Հողերի ընտար. 1865-ից մինչ 1865 թուականը, ուրեմն լիսուն տարուայ ընթացքում առաջինը աւելացել է 393 պրօցենտով, ուրեմն մօտաւորապէս չորանգամ, մինչդեռ երկրորդը, երկրագործական Հողերի ընտար՝ միայն մօտ 28 պրօցենտով: Բաւականանանք և այն թուերով, որ մենք տուինք



Անգլիացի համար. մեր նպատակն էր ընտրի գոյութեան, և նորա բարձրանալու համար մի օրինակ բերել և այդ օրինակը բերինք. իսկ եթէ գորա վերայ աւելցնելու մի բան է մնում, այդ այն է, որ բոլոր այն երկիրներում, որոնք տնտեսական առաջդիմութեան մէջ են, նոյն երևութները նկատուած են:

Անելով, թէ, ընդհանուր առմամբ, երկրագործական հողերի ընտոր աւելի նուազ կերպով է բարձրանում, քան այլ հողերինը և բերելով գորա համար թուանշանական ապացոյց Անգլիացի համար, մենք սակայն զգում ենք, որ դարանով, հակառակ մեր մտադրութեան, նուաւտացրինք երկրագործական արդիւնաբերութեան մէջ արած առաջդիմութիւնը, որը, առանձին վերցրած, միայն զարմացք և դժայմունք կարող է պատճառել նորան, ով այդ առաջդիմութեանը հետեւել և նորան ուսումնասիրել է դրական տրուածների հիման վերայ: Նոյն ազգեցութիւնը արած կ'լինի Չեզ վերայ նաև նոյն իսկ այս ֆորմուլը՝ «հողի արտադրութեան նուազման օրէնքը» և այլ շատ դարձուածներ, որ մենք գործ ածեցինք մինչ այժմ իրողութիւններ արտաշայտելու համար, որոնց ճշտութիւնը ապացոյցներով հաստատեցինք: Մենք վերապահում ենք մի առանձին դասախօսութեան և կամ գրուածքի Չեզ ցոյց տալու համար, տիկիներ և պարոններ, այն բոլոր հրաշալիքները, որ իրագործել է երկրագործութիւնը Եւրոպայի մի քանի երկիրներում այս դարուայ ընթացքում. հրաշալիքներ, որոնց կ'արտադրէ ամեն մի այլ երկիր, եթէ միայն սա առաջդիմութեան մէջ է և եթէ այդ երկրում ևս փորձը և գիտութիւնը նոյնչափ ներդաշնակ կերպով ձեռք ձեռքի տուած ընթանան, որպէս մի քանի յայտնի երկիրներում:

Խօսելով բաւականի մանրամասնօրէն այն հանգամանքների մասին, որոնք Ռիկարդօի ընտրի թէօրէի բովանդակութիւնն են կազմում, մենք պիտի խօստովանենք, որ մեզ շատ դժուար է թուում նոյն իսկ այստեղ լիշէլ այն բոլոր հարցերը, որոնց մէջ այդ թէօրէն գեր է խաղում: Եթէ մենք ուզենալու լինենք տարածուել այդ հարցերի վերայ, մենք բոլորովին պիտի թողնէինք հողը և հողագործութիւնը: Եւ ինչ մեծ հարցի մէջ Ռիկարդօի թէօրէն, այսինքն հողային ընտրի գոյութեան և հողային բերքերի արտադրութեան նուազման օրէնքի ապացուցած լինելը գեր չէ խաղում! Այդ հարցերի թիւը շատ մեծ է, որովհետև այդ թէօրէն հարուստ է ամենանշանաւոր հետեւանքներով թէ գուտ գիտութեան և թէ հասարակական քաղաքականութեան խնդիրների համար: Այդ թէօրէն չէ ցուցնում ամենաշոշափելի կերպով, որ մէկ <sup>անհատ</sup> հարստութիւնը անպատճառ պտուղ չէ այդ նոյն անհատի սեպհական աշխատութեան, սեպհական ջանքի? Իսկ եթէ այդ այդպէս է, որքան եզրակացութիւններ կարելի է դուրս բերել գորանից հարկերի հարցի համար, անհատական կարողութեան աղբիւրների հարցի համար և այլն:

Վերցնենք նոյն իսկ սեպհականութեան հարցը: Սեպհականութիւնը, ասում են շատերը, աշխատանքի հետեւանք է և որովհետև սեպհականութիւնը անհատական է, ուստի շատերը պնդում են, թէ անհատական սեպհականութիւնը պետք է համարուի նոյն այդ անհատի աշխատանքի արդիւնք: Ռիկարդօի ընտրի թէօրէն, սակայն, մեզ ցոյց է տալիս մի հանգամանք, որով պարզվում է, թէ ինչպէս առանց սեպհական աշխատանքի կարող է մի հողատիրոջ համար եկամուտ աւելանալ:

Ուրեմն այն տնտեսագէտները, որոնք մի մարդու ունեցած կարողութեան աղբիւրը միայն և միմիայն նորա սեպհական աշխատանքի մէջ են տեսնում — չարաչար սխալում են: Եւ ուրքեր են այդ կարգի տնտեսագէտները? Այդ նոքա են, որոնք գիտնական հետազոտութիւնների մէջ անգամ քաղաքականութեան տեսակէտներ են մտցնում. մարդիկ, որոնք վախենում են ճշմարտութիւնը, զուտ ճշմարտութիւնը ոչ միայն խոստովանել, այլ և տեսնել, ճանաչել: Ինչ արած, այդ կարգի մարդիկ համոզուած են, որ զուտ ճշմարտութիւնը խօստովանած, մեր հասարակութեան հիմունքները խախտուած կ'լինեն. որովհետեւ, մտածում են նոքա, մեր այժմեայ քաղաքակրթութիւնը հիմնուած լինելով անհատական սեպհականութեան գաղափարի վերայ, իսկ սեպհականութեան չարգը նորա ձեռք բերելու միջոցների վերայ հիմնուած գոյով, նոյն այդ սեպհականութեան սկզբունքը կ'կորցնէ իւր իշխանական ոյժը, եթէ ասելու լինենք, թէ կարելի է նաև մի արդիւնքի տէր լինել նաև առանց սեպհական աշխատանքի: Կարծես թէ մեր ամբողջ հասարակութիւնը, ուզում եմ ասել նորա կազմակերպութիւնը, նորա անդամների իւրաքանչիւրի իրաւունքները միայն մի սկզբունքի վերայ են հիմնուած, կարծես թէ, ասում եմ, մեր հասարակական բոլոր հիմնարկութիւնների, բոլոր օրէնքների միակ նպատակն է իւրաքանչիւրի սեպհականութիւնը և կամ նորա եկամուտների մեծութիւնը իւրաքանչիւրի թափած աշխատութեան, ջանքի, մեծութեան համեմատցելով! Այդ սակայն մի սխալ է, որը գործում են որպէս ազատամիտ կոչուած քաղաքատնտեսները, նոյնպէս և հասարակութեան այժմեայ կազմակերպութեան ծայրահեղ թշնամիները, և կամ, որպէս զի սոցա իրանց անունով անուանած լինենք — սոցիալիստները: Առաջիները, որոնք Ազամ Սմիթի գպրոցին

պատկանելու և այդ գպրոցի շարունակողներ լինելու հաստիութիւնը ունեն, պնդում են, հակառակ ճշմարտութեան և ակներև արած փաստերի, որսիսիներից մէկը և նշանաւորը Քիլարգօօօ վերը բացատրած բնտի գոյութիւնը կարող է համարուել, թէ իբր անհատական սեպհականութիւնը հաշտվում է ամենագուտ արդարութեան պահանջողութիւնների հետ, արդարութիւն, որը պահանջում է իւրաքանչիւրին տալ ըստ նորա մտուցած ծառայութիւնների. մինչդեռ սոցիալիստները, ընդհակառակը պնդում են նոյն փաստերը ձեռքին, թէ, որովհետև անհատական սեպհականութեան իշխանութեան տակ այն տեսակ անարդարութիւններ կարող են տեղի ունենալ հարստութիւնների բաժանման մէջ, որպէս Քիլարգօօօ մատնացոյց արած և գոյութիւնը հաստատած բնտը ինքն ըստ ինքեան պճոնի բխեցնէ, ուստի, ասում են սոցիալիստները — անհատական սեպհականութիւնը իբր արդարութեան ընդդէմ մի հաստատութիւն է: Եւ առաջիները և երկրորդները ծայրահեղութեան մէջ են, և մենք կարող ենք աւելցնել, որ սխալը այդ երկու հանգամանքների մէջ էլ միևնոյնն է. որովհետև երկուսն էլ ենթադրում են, որ մի հիմնարկութիւն, մի հաստատութիւն միայն այն ժամանակ ընդունելի է, երբ նա ամեն կողմանէ կատարեալ է, երբ նա ոչ մի քննադատութեան ենթակայ չէ կարող լինել: Այդ առիթով ես Ձեզ կ'իմրդրէի, տիկիներ և պարոններ, մտաբերել իմ առաջին դասախօսութիւնից այն խորհրդածութիւնը, որ ես հարկաւոր դատեցի անել ցոյց տալու համար, որ ճշմարտութիւնները միայն համեմատական են, որ քանի որ մեր մարդկային միտքը շատ տկար է կեանքը իւր վերջնական նպատակի տեսակէտից հասկանալ, կեանքի վերաբերեալ գիտութիւններին էլ կ'արտայայտեն միայն համեմատական ճշմարտութիւններ:

Այդ մտքերը ճշմարիտ կարող են լինել միայն Եւթարիւն, որ կեանքի նպատակը լառաջողիմութիւնն է. այդ պատճառով ես այն զաղափարի եմ, որ իմանալու համար թէ անհատական հողային սեպհականութիւնը լառ թէ վատ հաստատութիւն է, պէտք է մարդս իրան այս հարցին պատասխանէ՝ թէ արդեօք հողային անհատական սեպհականութեամբ նպատակում է լառաջողիմութիւնը ներկայ հանգամանքների մէջ, թէ ոչ: Փոխանակ լառաջողիմութիւն բառը գործածելու, ասենք՝ արդիւնաբերութիւն, արդիւնաբերական միջոցների, սխտեմների մէջ կատարելագործութիւն, ապահովութիւն և այլն:

Այդ դեռ բաւական չէ. անհատական հողային սեպհականութիւնը դատապարտելու համար, հարկաւոր է համեմատել նորա տուած օգուտները և կամ նորանից պատճառած անարդարութիւնների չափը այն դրութեան հետ, որը պիտի ստեղծուէր և կամ կ'ստեղծուի անհատական սեպհականութեան վերացնելով: Հարցի լուծումը, որպէս տեսնում էք, շատ աւելի դժուար է, քան այդ առաջի անգամից թոււմ է. մանաւանդ, որ համեմատութիւններ անելը դանազան հաստատութիւնների մէջ, հասարակաց, տնտեսական և քաղաքական ասպարիզում, կազմում է դժուար, փշերով լիքը մի արհեստ, դէպի որը ձեռք մեկնողը պիտի զինւորուած լինի ոչ միայն զօրեղ լոգիկով, այլ և խորը գիտութեամբ մարդկային բնաւորութեան և ազգերի կեանքի պատմական ընթացքի:

Տիկիւններ և պարոններ, ես Ձեզ կ'իսնդրէի լուրջ ուշադրութիւն դարձնել ասածիս վերալ, զի տարաբաղդ է այն հասարակութիւնը, ուր այդ ճշմարտութիւնը դեռ զգացուած չէ: Տարաբաղդ է նա, ասում եմ, եթէ նորա մէջ իշխող կարծիքը այն է, թէ հասարակաց բարօրու-

թեան վերաբերեալ հարցերը կարող են թեթեւ սրտով վճռուել, եթէ իշխող կարծիքը ընդունում է, թէ կարելի է մի հաստատութեան այս կամ այն կողմի թերութեան պատճառով փոխել նորան:

Բայց եթէ սեպհականութեան նման մի հիմնական հաստատութեան վերացնելու առաջարկողից ես պահանջեցի վերջիշած լատիութիւնները, այդ, սակայն, նորա համար չէր, որպէս զի ամեն մի վերանորոգութիւն անկարելի լայտնէի: Հեռու դորանից. ազգերի զարգացման պատմութեան մէջ մենք տեսած ենք մեծամեծ հաստատութիւններ՝ լետագայ ժամանակներում փոխած կամ իսպառ վերացրած: Մի ժամանակ կար ստրկութիւն և նա վերացուեց. կար ճորտութիւն—և նա վերացուեց. կար արուեստ բանացնելու մէջ հին համբարային կազմակերպութիւն—նա ևս վերացուեց. վերջապէս նոյն իսկ հողային սեպհականութեան մի տեսակը, որը, որպէս նորագոյն հետադասութիւնները ցոյց են տալիս, ընդհանրապէս համայնքային սեպհականութեան բնաւորութիւնն էր ունեցած ազգերի կազմակերպութեան սկզբնական դարեշրջաններում, որպէս դեռ ցայտօր Ռուսաստանի բազմաթիւ նահանգներում, Ջուրջու լիայում, գերմանական երկիրների դեռ մի քանի տեղերում և այլն, այդ հողի համայնքային սեպհականութիւնը, ասում եմ, չէր արդեօք նոյն տեսակ հիմնական մի հաստատութիւն եւրոպական ազգերի համար, որպէս այժմ անհատական հողային սեպհականութիւնը նոյն ազգերի մեծութեան համար. և ինչ, նա մնաց անխախտ?

Դուք տեսնում էք, յարգելի ուկնդիրներ, որ, ցոյց տալով հասարակաց մի մեծ հաստատութեան վերացնելու դժուարութիւնները, իմ գիտաւորութեան մէջ չէր քարոզել մի մոլեռանդ լամառութիւն հին կարգ ու կանոն-

ների պահպանելու մէջ: Ինչ բանի դէմ ես բողոքում եմ, այդ սա է՝ չասել, թէ մի հաստատութիւն վատ է միայն այն պատճառով, որ նորանով արդարութիւնը ամեն դէպքում ապահոված չէ. չասել, թէ, որովհետեւ հողը անհատական սեպհականութեամբ ընտ է ստեղծվում նրա պատուած հողատէրերի համար, ուրեմն և հողը չսլաղի առանձին մարդկերանց սեպհականութիւն կազմէ: Փոխանակ այդ ասելու, հարկաւոր է դիմել նոցա, որոնք անհատական սեպհականութեան մէջ ոչ թէ պատմական, ուրեմն և մարդկային, այլ մի ինչ որ նախատահմանեալ հաստատութիւն են տեսնում, և համոզել նրանց, որ սեպհականութիւնը այնքան զեղծ չէ թերութիւններից, որպէս նաքա կարծում են և որ, ուրեմն, գորա գէմը պիտի առած, բայց ի հարկէ, ոչ անպատճառ նորա իսպառ վերացնելով, այլ, օրինակի համար, հողային հարկերի սխտեմը փոխելով: Գուք բողոքում էք, որ նպատուած հողատէրերը, առանց սեպհական աշխատանքի, ընտ են ստանում, այսինքն մի օգուտ, որը իսկապէս նոցա կարող էր և չհասնել, այլ որից պէտք է ամբողջ հասարակութիւնը օգտուէր, — ստեղծեցէք ուրեմն հարկերի մի սխտեմ, որով ընտ ստացող հողատէրերը ընտ չստացողներից աւելի հարկ վճարելու ստիպուած լինէին. օրինակ՝ կատարելագործելով պրօգրեսիւ և կամ աճող կոչուած հարկային սխտեմը, որը եւրոպական մի քանի տերութիւններում արդէն մտցրած է և որը սորանումն է կաշանում իւրաքանչիւր մարդու եկամուտից ոչ թէ վերցնել միաձև կերպով մի յայտնի պրօցենտ, այլ, նայած եկամուտների մեծութեան, պահանջել, որպէս հարկ, աւելի ունեցողից նաև մի աւելի մեծ պրօցենտ. և այսպէս, 1000 ռուբլի եկամուտ ունեցողից վերցնել դիցուք 2<sup>0</sup>/<sub>0</sub>, ուրեմն 20 ռուբլի, 3000 ռուբլի եկամուտ ունեցողից ոչ թէ կբր-

կին 2<sup>0</sup>/<sub>0</sub>, ուրեմն 60 ռուբլի միայն, այլ դիցուք 5<sup>0</sup>/<sub>0</sub>, ուրեմն 150 ռուբլի, 8000 ռ. ունեցողներից 10<sup>0</sup>/<sub>0</sub>, ուրեմն 800 ռուբլի և այլն: Սիկիւններ և պարոններ, ես զգում եմ, որ, իստելով Քիկարդօի ընտի թէօրէից վաղածամ հետեւանքներ դուրս բերողների դէմ, այնքան ընդարձակուեցի սեպհականութեան հարցի վերայ, որ թերևս տեղիք տուած լինեմ կարծելու, թէ ես մտադրութիւն ունեցած եմ քննել սեպհականութեան ծանրակշիւ հարցը նոյն իսկ այստեղ: Բայց ես շատ մեծ կարծիք ունեմ Ձեր բարի ցանկութեան վերայ, որպէս զի յոյսով լինեմ, որ ասածիս գլխաւոր նրա պատակը Ձեր ուշադրութեանից խոյս տուած չի լինել: Ասելու այն էր, որ ընտի գոյանալը, որպէս միակ երևոյթ, բաւականաչափ ուժեղ չէ՝ անհատական սեպհականութեան դէմ վճռողական արդումենտ ծառայեցնելու համար, որպէս այդ սոցիալիստ կամ իրենց այլ անուններ տուող քաղաքատնտեսներից շատերը մանաւանդ առաջ սովորութիւն էին շինել անելու: Եթէ ես այստեղ դատափետում եմ սոցիալիստների ոմանց վարմունքը, անշուշտ, տիկիւններ և պարոններ, սոցիալիստների հակառակորդներին հաճոյանալու համար չէ, որ ես այդ անում եմ: Ես կ'ասեմ աւելին անգամ. սոցիալիստների հակառակորդներից շատերը աւելի աննրբի կերպով գործեցին, խրոխտ և համարձակ կերպով յայտնելով, որ նոքա Քիկարդօի թէօրէն բնաւին չեն ընդունում, յայտնելով, թէ իբր հողային ընտը, Քիկարդօի մտքով առած, ամենեւին գոյութիւն չունէ: Թէ ինչիցն էին վախենում այդ տնտեսագէտները—դուք այդ արդէն զիտէք՝ դէնք չտալու համար իրանց հակառակորդներին, սեպհականութեան պրինցիպը զինաթափ անելու:

Դատապարտելի վարմունք. միթէ թոյլ է տրուած մի մարդուն, որը գիտութեան դրօշակով Հասարակութեան առջևն է հանդիսանում, յերբէլ մի իրողութիւն այն ներքին զգացմունքով, թէ ինչ է, կան մարդիկ, որոնք այդ իրողութիւնից սխալ եզրակացութիւններ են դուրս բերում: Յերբէլ երկրագնտի շրջումը այն պատճառով, որ այդ նոր գիւտը կարող է սուրբ Համարուած գրքերի վերայ անվստահութեան զգացմունքը տարածել սնահաւատ ժողովուրդի մէջ: Բայց դա կաթողիկ կղերականութեան մի տեսակէտ է, որի դէմ մարտնչելու գիտութիւնը իրեն միշտ պատիւ է համարել: Հողային ընտրի գոյութիւնը, սակայն, նոյնքան անգոր մի սպառնալիք է սեպհականութեան Հաստատութեան համար, որքան Գալիլէի յայտնած գաղափարը—մարդու բուն կրօնական զգացմունքները և հաւատը խախտելու համար: Ես արդէն վերը աշխատեցի Ձեզ այս միտքը պարզել, որ, եթէ սեպհականութիւնը մի օգտակար Հաստատութիւն է, եթէ նա կանչուած է մեր Հասարակութիւնների պատմական զարգացման յայտնի շրջաններում մեծ դեր կատարելու, սեպհականութեան այդ օգտակարութիւնը ամենևին նորանով չէ պայմանաւորուած, թէ արդեօք նա կատարեալ գերծ է թերութիւններից, թէ ոչ. թէ արդեօք նա համապատասխանում է արդարութեան ամենախիստ պահանջներին, թէ ոչ: Իսկ եթէ այդ այդպէս է, ինչ է նշանակում չափից դուրս վրդուուել գիտնականօրէն ակներև արած մի ճշմարտութիւնից, որը մի նշանաւոր Հաստատութեան պակասութիւնների վրայ է բացում մեր աչքը: Բայց և միև կողմից, եթէ այդ պակասութիւնը այնքան նշանաւոր է, որ կարող է սեպհականութեան դատը վտանգել, էլ ինչ հարկաւոր է, ասենք անգամ, էլ ինչ իսելք է, մի ուսումնականի կողմից, որի աչքին իրերը միայն Համեմատական նշանակու-

թիւն կարող են ունենալ, ոչինչ ոյժ չ'ինայել, ոչ մի աչքակապութիւնից չքաշուել—սեպհականութեան ոչ միայն Համեմատական օգտակարութիւնը, այլ արդէն նորա սրբութիւնը, անխախտութիւնը քարոզել: Ես լաւ հասկանում եմ, ի հարկէ, որ այն տնտեսագէտները, որոնց ուղղած են այս տողերը, վրդոված կ'մեղադրեն նոցա յանդիմանողներին, պատճառ բերելով այս, թէ նոքա ոչ թէ չեն ընդունում Բիկարդօի ընտրի թէօրէն, ոչ թէ չեն ընդունում հողային ընտրի գոյութիւնը սեպհականութեան Հաստատութիւնը անխախտ պահելու համար, այլ թէ, ընդհակառակը, նոքա հակառակ են Բիկարդօին, որովհետև սորա թէօրէն սխալ և անհիմն են համարում: Այո, բայց այն ժամանակ հարկաւոր է ապացուցել Բիկարդօի մտածողութեան եղանակի կեղծութիւնը, որը, որպէս տեսանք, երկու գլխաւոր փաստերի վրայ է հիմնուած. մէկը այն է, որ ազգաբնակչութեան աճումը ստիպում է ժողովուրդին նուազ առ նուազ տարածել հողի մշակութեան սահմանները. և որովհետև մի երկրի հողը իւր բոլոր մասերում հաւասար յատկութիւն չունէ, մի տեղ հողը նոյնը արտադրելու համար աւելի քիչ միսի է պահանջում, քան թէ մի այլ տեղ, ուստի պարզ է, որպէս արեգակ, որ, եթէ երկու տեղերի արդիւնքներն էլ միևնոյն գնով ծախուելու լինեն, լաւ հողի տէրը աւելի կ'շահուի, քան թէ վատ հողի տէրը: Այդ բոլորից կեանքի և գիտութեան համար մի դրական եզրակացութիւն դուրս բերելու համար, մընում է, ուրեմն, միայն որոշել, թէ արդեօք ճիշտ է, որ այդ արդիւնքները միևնոյն գնով կ'ծախուեն, և երկրորդ, թէ ինչ գնով պէտք է նոքա ծախուեն: Արդ, սոցալից առաջին հարցը պատասխանուելու դրեթէ կարօտութիւն չունէ. ես, իբրև գնող, շուկայ գնալիս, մի որոշ տեսակի և որոշ լաւութեան, որոշ յատկութեան ցորեն պիտի

գնեմ. ես ցանկանում եմ միւսնոյն ժամանակ գնել այդ ցորենը ամենաաժան գնով առանց հետաքրքրուելու իմանալ, թէ նա ինչ բերութեան ատրճանի հողից է եկած. բայց որովհետեւ նոյն տեսակ ցորենի թանկ ծախողները կ'մնան կանգնած, եթէ չուզենան զիջել և յարմարուէ միւս ծախողներին առաջարկած աժան գներին, կ'նշանակէ, թէ միւսնոյն տեսակի և յատկութեան ցորենը յարկը վաճառողների մօտ պիտի միւսնոյն ցածր գինը ունենայ: Ի հարկէ, այստեղ խօսքը տեղական գների մասին է. պատահական բացառութիւններ կարող են լինել, շարահիւ այս կամ այն հանգամանքի. օրինակ, եթէ ապրանք գնողը խամ մարդ է և հենց առաջին պատահողից գնում է ապրանքը մի գնով, որից աւելի լաւ պայմանով կարելի էր մի ուրիշից գնել և այլն: Ուրեմն այդ ևս պարզ է որ, գները ձգտումն ունեն հասնել թէ լաւ և թէ աւելի ստոր հողերի արդիւնքների համար: Մնում է, ուրեմն, պատասխանել միայն վերջին հարցին՝ թէ արդեօք ինչ որոշ բարձրութիւն պէտք է ունենան նոյն լակ այդ գները: Եւ Ռիկարդօն, որպէս Գուք յիշում էք, այդ հարցին ևս տալիս է ամենաբաւականացուցիչ պատասխան, շարունակելով մտածել իրան յատուկ խիստ և պարզ լօզիկով: Եւ իսկապէս, ենթադրելով, որ ստոր հողերի տէրերին ցորենի փութը նստել է 50, իսկ լաւ հողերի տէրերին՝ 30 կոպէկ, բայց միւսնոյն ժամանակ հաստատած լինելով, որ նոքա երկուքն ևս միւսնոյն գնով պէտք է ծախուեն, այդ զինը պէտք է լինի 50 կոպ. թէ 30 կոպէկ? Պատասխանը պարզ է. եթէ 30 կոպէկով ծախուի, վատ հողերի տէրերը կ'վնասուեն, որ միւսնոյնն է, թէ նոքա կ'թողնեն իրենց հողերի մշակութիւնը: Յորենի քանակութիւնը, այդ դէպքում, չի համապատասխանիլ ժողովուրդի կարօտութեան, և կամ, որպէս ընդունուած է քաղաքա-

տնտեսական լեզոււմ ասել, առաջարկը աւելի նուազ կ'լինի, քան պահանջը: Նշանակում է, թէ 30 կոպէկով չպիտի ծախուի ցորենը, այդ անկարելի է: Բայց և այս ակներև է, որ ցորենը պէտք է առնուազը 50 կոպէկով ծախուի, որպէս զի վատ հողերի տէրերը չվնասուեն: Իսկ եթէ այդ այդպէս է, լաւ հողերի տէրերը ոչ միայն աւելի կարող են շահուել, քան աւելի վատ հողերի տէրերը, այլ գրականապէս նոքա պէտք է որ շահուեն մի հանգամանքից, որի յառաջացնելու պատճառը ոչ թէ իրանք են, այլ հասարակութեան ընդհանուր առաջդիմութիւնը, որը մղեց և մղում է անարդիւնաւէտ համարուած հողերը մշակելու և արդիւնաւէտ կացուցանելու:

Անշուշտ, մարդու կրիտիկական ոգին, այդ մտածողութիւնը անելուց յետ, բնականաբար ծնեցնում է մեր մտքի մէջ այսպիսի մի հարց՝ թէ արդեօք ինչու առաջդիմութիւնը, որը ամբողջ հասարակութեան հաւաքական ոյժերի արտագրութիւն է, նիւթապէս պէտք է միայն մի որոշ զատակարգի օգտին ծառայէ, այն է, հողատիրութեան մէջ, միայն լաւագոյն հողերի տէրերին. թէ ինչու առանց իրանց կողմից զոհաբերութիւն անելու և կամ իրանց սովորական ծախքը աւելցնելու, իւրաքանչիւր անգամ, երբ հարկաւոր է լինում ժողովուրդի պահանջը լազեցնելու համար աւելի ստոր հողերի մշակութեան զիմել, լաւագոյն հողերի տէրերը պէտք է բացի կապիտալի տոկօսից և աշխատանքի վարձատրութիւնից զեռ մի աւելորդ օգուտ էլ ստանան, մի օգուտ, որին Ռիկարդօն ըենտ անունն է տալիս:

Չատերը նոցանից, տիկիները և պարոններ, որոնք Ռիկարդօի թէօրէի դէմ բողոքում են և կամ որոնք եթէ ընդունում էլ են, բայց իրենց գրութիւնների մէջ

թէօրէն ոչնչացնելու չափ սորան շրջապատում են ամեն տեսակ նկատողութիւններով, զգուշացնող խրատներով, և կամ որոնք քննադատութիւնով են սկսում այդ թէօրէի մեկնութիւնը, այդ հեղինակները, ասում եմ, ոչ միայն անազնուացնում են գիտութիւնը, այլ և մեծ մասամբ այդ վարմունքով վկայութիւն են տալիս իրենց մտաւոր անընդունակութեան: Գոքա չէին քաշվում, մանաւանդ մի քանի տասնեակ տարիներ առաջ, յայտնել, (իսկ եթէ շատերը չէին յայտնում, նոքա գոնէ սրտի խորքի մէջ թաքուն պահած ունէին այս միտքը), թէ իբր Ռիկարդօս իւր թէօրէով և ուրեմն նորան հետևողները գրղում են ժողովուրդը կայուածատէրէրի դէմ: Իրգել ժողովուրդը կայուածատէրէրի, հողատէրերի դէմ! Ծանր խօսք, որը սակայն ոչինչ խելացի հիմք չունէ այն պարզ ու հասարակ պատճառով, որ, ըստ Ռիկարդօսի թէօրէի, հողային ընտ ոտեղծողը ոչ թէ լաւագոյն հողերի տէրերն են, այլ, որպէս դուք ինքներդ դատել կարող էք, հողատէրերի կամքից բոլորովին դուրս և անկախ մի հանգամանք: Միթէ այդ լաւագոյն հողերի տէրերն են, որ ստիպում են երկրի բնակիչներին մշակել մինչ այն պարագայ մնացած հողերը, և այդ՝ այն շահասիրական դիտաւորութեամբ, որպէս զի դորանով իրանք ընտ կամ անվատակամ մի օգուտ ստանալու հաճելի գրութեան մէջ գտնուին? Իսկ եթէ դուք զիտէք, որ ըստ Ռիկարդօսի թէօրի այդ այդպէս չէ, էլ որտեղից կարող է անձնական ատելութիւն ծնուել կայուածատէրերի դէմ? Հարկաւ, միայն այդ թէօրէն սխալ մեկնելուց: Բողոքեցէք, ուրեմն, նորան սխալ մեկնողների և ոչ թէ թէօրէի դէմ, եթէ միայն սորա դէմ ունեցած արգումենտը վերոյիշեալ հանգամանքն է: Ի հարկ է, այս ևս ճիշդ է, և այդ հանգամանքը վկայում է ոչ

շատ ինպատ մարդկային կամքի ու խելքի բարձրութեան, — այս ևս անուրանալի է, ասում եմ, որ մարդկերանց մեծամասնութիւնը, եթէ սա միայն զինուորած չէ իրերը ու գաղափարները իրարից որոշելու համար անհրաժեշտ կրթութեամբ, դժուարութեամբ կարողանում է զանազանել անձնաւորութիւնը — պրինցիպից, սկզբունքից: Այնպէս, որպէս ընդհանուր կրթութիւնը կայ այժմ ոչ միայն մեզանում, այլ և Եւրոպայում, մարդկերանց մեծամասնութեան համար գրեթէ անմատչելի են բուն առարկայական խորհրդածութիւնները: Մէկին ասում ես, թէ այս ինչ օրէնքը, այս ինչ իրաւունքը, որ օրէնքով տուած է ժողովուրդին, այս կամ այն պակասութիւնը ունէ. թէ օրինակ հողային սեպհականութեան իրաւունքով մարդս, յայտնի հանգամանքների մէջ, օգտվում է աւելի, քան նորա աշխատանքը և կապիտալը արժեն և թէ ուրեմն այդ հանգամանքի մէջ մի չարիք կայ, որի դէմը պէտք է առած, եթէ հնարաւոր է, — նա պատասխանում է՝ ինչու! Պետրոսը, որը կայուածատէր է, լաւ մարդ է, բարի է, և այլն և կամ, նաչած տրամադրութեան, ի հարկ է՝ թէ որ այդպէս է, կայուածատէրերը պէտք է վատ մարդիկ լինին և ահա նա սկսեց զուցէ ատել Պետրոսին: Այդ մտքով է, որ մենք ասում ենք, թէ ամբոխը մեծ մասամբ շփոթում է իրաւունքը, որը ընդհանրութեան համար նշանակած մի հատատութիւն է — այն անձնաւորութիւնների հետ, որոնք, ըստ պատեհին, այդ իրաւունքի վայելողներն են: Ահա ինչու սեպհականութեան հաստատութեան դէմ արած ամենաչնչին կրիտիկն անգամ յայտնի և անշուշտ ոչ շատ օգտաւէտ ուղղութեան տէր մարդիկ կարողանում են հեշտութեամբ փոխադրել քարոզելու մի միջոց՝ դա-

սակարգ դասակարգի դէմ զինաւորելու, նոցա մէջ փոխադարձ ատելութեան զգացմունք յարուցանելու:

Սակայն, որքան և պարտաւելի լինի այդ տեսակ վարմունքը, որքան և պժղելի լինի դեմագոգային այդ մոլութիւնը, որը, նոր ժամանակներումս, մանաւանդ եւրոպական վերջի հարիւր տարուայ պատմութեան մէջ բազմաթիւ քաղաքական աղեղութիւնների տեղիք տուեց, — այնու ամենայնիւ, նա երբէք չպլիտի մի հիմք ծառայէ ճշմարտութեան մօտենալու միակ հաստատ ճանապարհը — զիտնական ազատ հետազօտութիւնը խանգարելու, նորա դէմ մի որևիցէ արգելք դնելու: Մեր խօսքը այստեղ մանաւանդ այն շրջանների կողմնապահութեան վերայ է, որը առաջ շատ յաճախ հաւակնութիւն ունէին գաղտնիութիւններ անել զիտութեան այս կամ այն ուղղութեան վերայ, մէկը ճիշդ հրատարակելով, իսկ միւսը կեղծ և վտանգաւոր ցոյց տալով, և նորան ամեն կերպ խեղդելու ջանալով: Վտանգաւոր միջոց! Գիտութեան վրայ արած վերահսկողութիւնը ամենաթիւր միջոցն է նորա արժանաւորութիւնը հասարակութիւնից ճանաչել տալու և միայլ գաղափարների դէմ յաջողութեամբ կռուելու համար: Պատճառները շատ են, բայց դոցանից ամենալիտաւորը, ըստ իմ կարծիքի, հետևեալ հանգամանքներն են. զիտութեան, մանաւանդ քաղաքական զիտութիւնների մէջ յայտնաձագ ամեն մի միտք ուրիշներին, առաջի անգամից, այնքան պարզ և հասկանալի չէ լինում, որքան իրան այդ մտքի հեղինակին. և նոյն իսկ հեղինակը ինքը, ամենայնաձագ անգամ, դժուարանում է իւր միտքը, որը գուցէ ինքն ըստ ինքեան միանգամայն ճիշդ է, զբաղական փաստերով հաստատելու: Այլ հանդամանք. նկատուած է, և ձեզնից նոքա, տիկիներ և պարոններ, որոնք առիթ

ունեցած կ'լինին մի հարց պատմական ձևով ուսումնասիրելու, ինձ հետ անշուշտ կ'համաձայնուեն, որ մի ծանր հարցի լուծելը և կամ մի երևոյթի ճիշտ մեկնելը այնքան դժուար բան է, որ դորա համար հարկաւորվում են անհասարակ զիտնականների ամբողջ սերունդներ: Առաջինը միայն փորձ է փորձում հարցը դնել. յետոյ մի ուրիշը, ով գիտէ քանի քանի տարիներից յետ, երբ ամենքը գուցէ արդէն մոռացած են այն անաշխի գրած հարցը, այդ երկրորդը, ասում էմ, թէ առաջինից զբոլուած և թէ ինքնարոյն կերպով առաջարկում է նոյն հարցը գուցէ մի քանի փոփոխութիւններով և փորձ է փորձում նորան լուծել, բայց լուծում է գուցէ ամենաանկատար և անզոյացող ցիւց կերպով: Հանդէս է ելնում յետոյ մի երրորդը, որը աշխատում է ցոյց տալ երկրորդի մեկնողութեան թերութիւնները և ջանում է իւր կողմից աւելի ընդունելի բացատրութիւններ տալ և այսպէս շարունակ, մինչև որ կրկին տասնեակ տարիներից յետ, հանդէս է ելնում մի չորրորդը, հինգերորդը, որը արդէն իրեն տուելի պարզած ունենալով հարցի էութիւնը, ամենախորը հետազօտութիւնների վրայ հիմնուած, արդէն մի լուծում, մի մեկնութիւն է տալիս, որը, եթէ իւր մի քանի անկատարութիւններով մեղանչէ ևս, այնուամենայնիւ զիտութեան մնացուած սեպհականութիւն է համարվում, այն աստիճանի նա բարձր է ամեն տեսակ կրիտիկից: Եւ այդ է ամեն մի զիտութեան բազմաթիւ թէօրէներէ մեծամասնութեան պատմական ամփոփ նկարագիրը: Արդ, ես հարցնում եմ Ձեզ, տիկիներ և պարոններ, եթէ զիտնական ամեն մի թէօրէի, մի գաղափարի կազմուելու եղանակը այդպէս է, եթէ ամեն մի հարց, մինչև որ սա զիտնական լուծումը ստանայ, պէտք է, թոյլ տուէք ինձ այս գարձուածքը, պէտք է, ասում եմ, այդքան երկար երկուսքների մէջ




գտնուի, պէտք է մինչ նրա պարզելը տառնեակ տարի-  
ներով գիտնական քամողութեան ենթարկուի, — այն առէն  
ոչ միայն մի յայտնի հասարակական շրջան, այլ որ գիտ-  
նականներն մի խումբ, մի ակադեմիա անգամ կարող է իւր  
վեպոն, իւր «ոչ»ը դնել գիտութեան մէջ յայտնած այս  
կամ այն կարծիքի վերայ?!

Տօբազդապէս պէտք է ասած, որ այդ տեսակ բըռ-  
նութիւններ սակաւ չեն գործուած գիտութեան ազատ ծա-  
ւարման վերայ Եւրոպայի նոյն իսկ այն երկիրներում, որոնք  
իրենց ամենից շատ նախանձախնդիր են ցոյց տուած ա-  
զատութեան համար: Այդ ոչ շատ զեղեցիկ գոյնով փայլել  
են մանաւանդ Ֆրանսիայի կառավարիչները: Մենք, ի  
հարկէ, չենք խօսում շատ հեռու անցեալի մասին, — մեր  
խօսքը նոյն իսկ մեր այժմեայ 19-երորդ դարուայ վերայ  
է: Այդ, մի տնտեսագէտ, որպէս ժան-Բատիստ Սէյ, Նա-  
պոլէօն I-ի ամբողջ թագաւորութեան ժամանակ ստի-  
պուած եղաւ բերանք փակ և գրիչը զսպած պահել, սրով-  
հետև կարցի իշխանութիւնը համապատասխան չէր այն  
մեկնութիւններին, որ Սէյը տայիս էր յայտնի տնտեսա-  
կան և հասարակաց երևոյթներին: Միւս կողմից, դեռ  
մինչև այժմեայ օրերս, շնորհիւ շատ կարևոր կէտերում  
զարուայ ոգուն բնաւ չհամապատասխանող Ֆրանսիական  
համալսարանական կազմակերպութեան, մինչ օրս, ասում  
եմ, կարծես թէ օրէնք է այդ երկրում, որ քաղաքատն-  
տեսութեան պրօֆեսօրները անպատճառ պատկանեն իւր  
անկարողութիւնը վաղուց ցոյց տուած մի ուղղութեան,  
որին հասարակօրէն Սմիթեան և կամ այլապէս մանչեստը-  
րեան են կոչում և որի հետ մենք մեր յետագայ գասա-  
խօսութիւններն մէջ ծանօթանալու յաճախ անգամ գեռ-  
տախթ պիտի ունենանք: Այդ ուղղութեան մասին բաւա-

կան է այստեղ միայն այսքանը լիշել, որ այն ձևով,  
որպէս նորան ըմբռնել են մանաւանդ Ֆրանսիական տն-  
տեսագէտները, իսկ մանաւորապէս անուանի Ֆրիդերիկ  
Յաստիա, որը բազմաթիւ հետևողներ ունեցաւ թէ իւր  
երկրում և թէ Եւրոպայի այլ երկիրներում, — այդ ուղղու-  
թիւնը վերին աստիճանի օպտիմիստական, լաւատէսական,  
չափից դուրս միթարական աչքով է նայում տնտեսական  
և հասարակաց արդի հաստատութիւնների վերայ, որոնք  
են՝ անհատական սեպհականութիւն ամեն բանում և մըր-  
ցութիւն ամենալիակատար, որ կարելի է միայն իրագոր-  
ծել: Բաստիան ընդունում է Ադամ Սմիթի հետ, բայց  
սորանից աւելի բացարձակ կերպով, որ մարդիկ միայն  
«իրենց շահն» են ճանաչում և որ, եթէ մենք ցանկանում  
ենք, որ մի հասարակութեան մէջ կատարեալ «ներդաշ-  
նակութիւն» տիրէ, պէտք է թողած, որ ամեն մարդ  
մըցութեամբ և կամ ամենալիակատար ազատութեամբ իւր  
անձնական շահերը պաշտպանել կարողանալու գրութեան  
մէջ լինի:

Տիկիւններ և պարոններ, այս ընդմիջումը, որ ես արի,  
բաւականի երկար էր. բայց յոյս ունեմ, որ Դուք ինձ  
այդ կ'ներէք այն կապը ականջանդէպ առնելով, որ ունէ  
գիտութեան աւանդումը իշխող գրողներից այն երկիրնե-  
րում մանաւանդ, ուր կենտրոնական վարչութիւնը իրան  
կոչուած է համարում խառնուելու նաև բուն գիտնա-  
կան խնդիրների մէջ: Չեղունք մեր հարցից, որը Ռիկար-  
դօի ընտրի թէօրէն է: Ես Ձեզ ցոյց տուի, թէ ինչպէս  
յայտնի գրողներ, սեպհականութեան հաստատութեան ան-  
խախտութեան անունով, աշխատում էին ջրել այդ, որպէս  
Դուք ինքներդ համոզուել կարող էք, ուղիղ և սրամիտ  
թէօրէն: Ինչ ասել կ'ուզէ, որ Ռիկարդօի հակառակորդ-





2013

« Ազգային գրադարան



9 503

NL0044536

